



Cyfarfod

CYFARFOD BLYNYDDOL Y CYNGOR

Dyddiad ac Amser

1.30 y.h., DYDD IAU, 1AF MAI, 2025

*** NODER ***

Bydd y cyfarfod yn cael ei we-ddarlledu

https://gwynedd.public-i.tv/core//cy_GB/portal/home

Lleoliad

Hybrid - Siambr Dafydd Orwig, Swyddfeydd y Cyngor, Caernarfon LL55 1SH

Pwynt Cyswllt

Eirian Roberts

01286 679018

eirianroberts3@gwynedd.llyw.cymru

(DOSBARTHWDYD Dydd Mercher, 23 Ebrill 2025)

DYDD MERCHER, 23 EBRILL 2025

Annwyl Gynghorydd,

CYFARFOD O GYNGOR GWYNEDD – DYDD IAU, 1 MAI 2025

FE'CH GWYSIR TRWY HYN i gyfarfod aml-leoliad o **GYNGOR GWYNEDD** a gynhelir am **1.30 y.h., DYDD IAU, 1AF MAI, 2025 YN SIAMBR DAFYDD ORWIG, SWYDDFEYDD Y CYNGOR, CAERNARFON LL55 1SH / RHITHIOL AR ZOOM**, i ystyried y materion a grybwyllir yn y rhaglen a ganlyn.

Yr eiddoch yn gywir



Pennaeth Democratiaeth

Bydd yr ystafelloedd a ganlyn ar gael i'r grwpiau gwleidyddol yn ystod y bore:-

Plaid Cymru - Siambr Dafydd Orwig
Annibynnol – Siambr Hywel Dda
Grwp Llafur / Rhydfrydol – Ystafell Ogwen

RHAGLEN

1. CADEIRYDD

Penodi Cadeirydd ar gyfer 2025/26.

2. IS-GADEIRYDD

Penodi Is-gadeirydd ar gyfer 2025/26.

3. YMDDIHEURIADAU

Derbyn unrhyw ymddiheuriadau am absenoldeb.

4. COFNODION

7 - 28

Bydd y Cadeirydd yn cynnig y dylid llofnodi cofnodion y cyfarfod blaenorol o'r Cyngor a gynhaliwyd ar 6 Mawrth, 2025 fel rhai cywir.

5. DATGAN BUDDIANT PERSONOL

Derbyn unrhyw ddatganiadau o fuddiant personol.

6. CYHOEDDIADAU'R CADEIRYDD

Derbyn unrhyw gyhoeddiadau gan y Cadeirydd.

7. MATERION BRYD

Nodi unrhyw eitemau sy'n fater bryd ym marn y Cadeirydd fel y gellir eu hystyried.

8. CWESTIYNAU

Ystyried unrhyw gwestiynau gan aelodau etholedig, y rhoddwyd rhybudd priodol ohonynt o dan Adran 4.18 o'r Cyfansoddiad.

9. ADOLYGIAD BLYNYDDOL O GYDBWYSEDD GWLEIDYDDOL Y CYNGOR

29 - 33

Cyflwyno adroddiad y Pennaeth Democratiaeth.

10. PENODI CADEIRYDD I'R PWYLLGOR GWASANAETHAU DEMOCRATIAETH 2025/26

Penodi Cadeirydd i'r Pwyllgor Gwasanaethau Democratiaeth ar gyfer 2025/26.

[Yn unol â gofynion Adran 14 o Fesur Llywodraeth Leol (Cymru) 2011, y Cyngor llawn sydd i benodi Cadeirydd y Pwyllgor

Gwasanaethau Democratiaeth ac ni all benodi aelod o grŵp gwleidyddol sy'n cael ei gynrychioli ar y weithrediaeth.]

**11. PENODI AELODAU I'R PWYLLGOR SAFONAU - 34 - 35
ARGYMHELLION PANEL CYFWELD**

Cyflwyno adroddiad y Swyddog Monitro.

12. DIWYGIO Y CYFANSODDIAD 36 - 39

Cyflwyno adroddiad y Swyddog Monitro.

13. PENDERFYNIAD BRYN CABINET 40

Cyflwyno adroddiad y Swyddog Monitro.

14. RHYBUDDION O GYNNIG

(A) RHYBUDD O GYNNIG GAN Y CYNGHORYDD ELFED WYN AP ELWYN

Yn unol â'r Rhybudd o Gynnig a dderbyniwyd dan Adran 4.19 o'r Cyfansoddiad, bydd y Cyngorydd Elfed Wyn ap Elwyn yn cynnig fel a ganlyn:-

Mae'r Cyngor yn galw ar Lywodraeth San Steffan i ddatganoli grymoedd dros gronfeydd a'r rhwydwaith dŵr yng Nghymru, fydd yn caniatáu i Gymru elwa o un o'i hadnoddau pwysicaf.

(B) RHYBUDD O GYNNIG GAN Y CYNGHORYDD BECA BROWN

Yn unol â'r Rhybudd o Gynnig a dderbyniwyd dan Adran 4.19 o'r Cyfansoddiad, bydd y Cyngorydd Beca Brown yn cynnig fel a ganlyn:-

Mae 1 ymhob 4 dynes ac 1 ymhob 6 dyn wedi dioddef camdriniaeth rhywiol yn ystod eu plentynod, a gall y ffigwr yna fod yn uwch fyth.

Nid yn unig bod y profiadau yma yn erchyll iddynt ar y pryd, ond maent yn gorfod byw gydag effeithiau'r troseddau ofnadwy yma gydol eu hoes.

Mae dioddefwyr camdriniaeth rhywiol yn dweud yn gyson nad oes digon o gefnogaeth ar gael iddynt, ac nad oes ymwybyddiaeth ddigonol o'r trawma maent yn ei gario bob dydd, am byth.

Mae Mai 1af yn ddiwrnod blynyddol i gofio am y dioddefwyr; i godi ymwybyddiaeth o'r drosedd ddychrynlyd yma, ac i'n

hatgoffa y gall camdriniaeth rhywiol ddigwydd i unrhyw blentyn, mewn unrhyw gymuned. Nid yw camdriniaeth rhywiol yn adnabod gwahaniaethau diwylliannol, cymdeithasol, ieithyddol, crefyddol, rhywedd na hil. Gall ddigwydd yn unrhyw le, i unrhyw un.

Not My Shame yw'r grŵp ymgyrchu sydd yn trefnu'r digwyddiad blynyddol yma, ac mae'n cynnal munud o dawelwch ar y dyddiad hwn bob blwyddyn i gofio poen dioddefwyr camdriniaeth rhywiol drwy'r byd.

Galwn ar Gyngor Gwynedd i adnabod y dyddiad yma bob blwyddyn o hyn allan, ac i'w fabwysiadu'n ddiwrnod i gofio am ddioddefwyr. Galwn ar y Cyngor i hedfan baner yr ymgyrch uwch ei bencadlys ar Fai 1af bob blwyddyn er mwyn datgan yn glir nad cywilydd y dioddefwr yw camdriniaeth rhywiol, ond cywilydd y troseddwr. Galwn ar Gyngor Gwynedd i dynnu sylw cyhoeddus ar Fai 1af bob blwyddyn at y gefnogaeth sydd ar gael i ddioddefwyr, ac i esbonio wrth y cyhoedd sut a ble y gallent adrodd am gamdriniaeth rhywiol neu am bryderon diogelwch plant.

(C) RHYBUDD O GYNNIG GAN Y CYNGHORYDD GWYNFOR OWEN

Yn unol â'r Rhybudd o Gynnig a dderbyniwyd dan Adran 4.19 o'r Cyfansoddiad, bydd y Cynghorydd Gwynfor Owen yn cynnig fel a ganlyn:-

Mae gwasanaethau cyhoeddus Cymru yn wynebu colled o hyd at £65m oherwydd y cynnydd i yswiriant gwladol a gyhoeddwyd gan y llywodraeth Lafur yn San Steffan.

Unwaith eto, bydd Cyngorau Cymru yn gweld colled llwyr wrth i'r llywodraeth ddefnyddio'r fformiwla Barnett i benderfynu faint o arian sy'n cael ei roi i wledydd datganoledig. Mae'r fformiwla Barnett yn seiliedig ar faint y boblogaeth yn hytrach nag angen.

Mae'n annheg na fydd gwasanaethau cyhoeddus Cymru yn derbyn yr arian llawn am y cynnydd. Mae hyn yn enghraifft arall o sut mae Cymru dan anfantais llwyr o ganlyniad i lywodraeth Lafur yn y Senedd yng Nghymru ac yn San Steffan.

Gan ein bod yn parhau i ddisgwyl am fanylion gan y ddwy lywodraeth nid oes modd cyfrifo union ffigwr ar hyn o bryd, ond mae Cyngor Gwynedd yn debygol o fod ar eu colled mewn swm oddeutu £1m, sy'n swm rydym wedi gorfod ei throsglwyddo i'n trethdalwyr.

Mae Cyngor Gwynedd yn galw felly ar Lywodraeth Cymru i fynnu ffordd decach o ariannu ein gwlad gan eu penaethiaid yn Llundain.

(D) RHYBUDD O GYNNIG GAN Y CYNGHORYDD ELIN HYWEL

Yn unol â'r Rhybudd o Gynnig a dderbyniwyd dan Adran 4.19 o'r Cyfansoddiad, bydd y Cynghorydd Elin Hywel yn cynnig fel a ganlyn:-

1. Mae'r Cyngor hwn yn nodi effeithiau anghymesur a chronnus polisïau llymder ar drigolion fwyaf bregus ein cymdeithas gan lywodraethau dilynol y DU - boed yn llywodraethau Ceidwadol neu Lafur.
2. Yn dilyn cyhoeddiad diweddar Lywodraeth y DU o doriadau pellach i fudd-daliadau fydd yn cyfansymu i £5 biliwn, cydnabyddir y Cyngor hwn mai parhad a chynnydd i bolisïau llymder yw'r toriadau hyn. Gyda chyfran o 18.1% o boblogaeth Gwynedd yn cael eu hystyried yn anabl, bydd pobl Gwynedd yn cael eu taro'n arbennig o galed gan y toriadau. Ym mhellach, mae pobl a ystyrir yn anabl yng Ngwynedd yn llai tebygol o fod mewn cyflogaeth, gyda dim ond 50.5% mewn swydd â thâl, ac felly maent yn fwy tebygol o ddibynnu ar fudd-daliadau fel eu hunig ffynhonnell incwm.
3. Noda'r Cyngor ein cyfrifoldeb cynyddol i liniaru effeithiau creulon polisïau llymder drwy wasanaethau'r Cyngor. Gwelwn gynnydd yn y galw am wasanaethau megis tai cymdeithasol, llety argyfwng a gofal cymdeithasol, a'r gost gynyddol ganlyniadol o gynnal y gwasanaethu hyn. Cydnabyddwn y pwysau a roddir hyn ar gyllidebau'r Cyngor.
4. Er mwyn trigolion Gwynedd, geilw'r Cyngor Gwynedd ar Lywodraeth Cymru i sefyll i fyny dros Gymru a mynnu bod eu cyd-aelodau Llafur yn Llywodraeth y DU yn gwneud tro bedol ar eu cynlluniau i dorri budd-daliadau.
5. Er mwyn sicrhau parch ac urddas i bob un, geilw'r Cyngor Gwynedd ar Lywodraeth Cymru a Llywodraeth y DU i gyllido budd-daliadau a gwasanaethau cymdeithasol yn ddigonol.
6. Er mwyn roi diwedd ar lymder yng Nghymru, mynnir y Cyngor hwn bod Llywodraeth Cymru yn galw ar Lywodraeth y DU i ddatganoli lles a budd-daliadau, ynghyd â'r holl liferi angenrheidiol i alluogi Llywodraeth Cymru i warchod, gofalu a chynnal ein cymdeithas.

CYFARFOD Y CYNGOR 6/3/25

Yn bresennol: Y Cynghorydd Beca Roberts (Cadeirydd)
Y Cynghorydd Ioan Thomas (Is-gadeirydd).

Y Cynghorwyr:- Craig ab Iago, Menna Baines, Beca Brown, Stephen Churchman, Glyn Daniels, Elwyn Edwards, Elfed Wyn ap Elwyn, Alan Jones Evans, Gwilym Evans, Dylan Fernley, Delyth Lloyd Griffiths, Jina Gwyrfaï, Louise Hughes, Medwyn Hughes, Iwan Huws, Nia Wyn Jeffreys, Anne Lloyd Jones, Berwyn Parry Jones, Dawn Lynne Jones, Dewi Jones, Elin Walker Jones, Elwyn Jones, Gwilym Jones, Gareth Tudor Jones, Huw Wyn Jones, June Jones, Eryl Jones-Williams, Cai Larsen, Beth Lawton, Dilwyn Morgan, Linda Morgan, Dewi Owen, Edgar Wyn Owen, Gwynfor Owen, Llio Elenid Owen, Gareth Coj Parry, Nigel Pickavance, John Pughe, Rheinallt Puw, Arwyn Herald Roberts, Elfed P Roberts, John Pughe Roberts, Meryl Roberts, Richard Glyn Roberts, Huw Llwyd Rowlands, Paul Rowlinson, Dyfrig Siencyn, Peter Thomas, Menna Trenholme, Rob Triggs, Rhys Tudur, Hefin Underwood, Einir Wyn Williams, Elfed Williams, Gareth Williams, Gruffydd Williams, Sasha Williams a Sian Williams.

Swyddogion: Dafydd Gibbard (Prif Weithredwr), Geraint Owen (Cyfarwyddwr Corfforaethol), Dylan Owen (Cyfarwyddwr Corfforaethol a Chyfarwyddwr Statudol Gwasanaethau Cymdeithasol), Dewi Morgan (Pennaeth Cyllid), Iwan Evans (Swyddog Monitro), Ian Jones (Pennaeth Gwasanaethau Democratiaeth), Carys Fôn Williams (Pennaeth Tai ac Eiddo), Gwern ap Rhisiart (Pennaeth Addysg), Aled Davies (Pennaeth Adran Oedolion, Iechyd a Llesiant), Ffion Madog Evans (Pennaeth Cyllid Cynorthwyl – Cyfrifeg a Phensiynau), Vera Jones (Rheolwr Gwasanaeth Democratiaeth ac Iaith), Sion Huws (Rheolwr Priodoldeb ac Etholiadau), Delyth Jones-Thomas (Rheolwr Buddsoddi), Eurig Huw Williams (Rheolwr Gwasanaethau Ymgynghorol Adnoddau Dynol), Erin Lloyd (Cyfreithiwr), Huw Elfed Roberts (Swyddog Gwasanaethau Etholiadol) ac Eirian Roberts (Swyddog Gwasanaethau Democratiaeth).

1. YMDDIHEURIADAU

Derbyniwyd ymddiheuriadau gan y Cynghorwyr Anwen Davies, Annwen Hughes, John Brynmor Hughes, Elin Hywel, Dafydd Meurig ac Angela Russell.

2. COFNODION

Llofnododd y Cadeirydd gofnodion y cyfarfod blaenorol o'r Cyngor a gynhaliwyd ar 5 Rhagfyr, 2024 fel rhai cywir.

3. DATGAN BUDDIANT PERSONOL

Datganodd y Swyddog Monitro fuddiant personol ar ran y prif swyddogion oedd yn bresennol gan fod yr adroddiad yn ymwneud â'u cyflogau.

'Roedd o'r farn bod gan y swyddogion fuddiant o sylwedd, ac ynghyd â'r ddau Gyfarwyddwr Corfforaethol, y Pennaeth Cyllid, y Pennaeth Gwasanaethau Democratiaeth, y Pennaeth Addysg, y Pennaeth Tai ac Eiddo a'r Pennaeth Adran Oedolion, Iechyd a Llesiant, fe adawodd y Swyddog Monitro'r cyfarfod yn ystod y drafodaeth ar yr eitem, gan nad oeddent angen bod yn bresennol i gynghori.

4. CYHOEDDIADAU'R CADEIRYDD

Cydymdeimlwyd â theulu'r Arglwydd Elis-Thomas a fu farw'n ddiweddar, a rhoddwyd teyrnged iddo gan y Cynghorydd Dyfrig Siencyn.

Cydymdeimlwyd hefyd â theulu Gillian Wynne Thomas, cyn-gynorthwydd gwleidyddol gyda'r Cyngor, a fu farw'r wythnos ddiwethaf.

Nodwyd y bu farw Geraint Jarman a Marged Esli yn ddiweddar, a chydymdeimlwyd â'u teuluoedd hwythau hefyd.

Nodwyd ymhellach bod y Cyngor yn dymuno cofio am bawb o fewn cymunedau'r sir oedd wedi colli anwyliad yn ddiweddar.

Ymdawelodd y Cyngor fel arwydd o barch a choffadwriaeth.

Nodwyd bod sawl aelod o'r Cyngor wedi bod yn anhwylyd yn ddiweddar a dymunwyd iddynt adferiad llwyr a buan.

Llongyfarchwyd y canlynol:-

- Aneurin Môn Parry, o Wasanaeth Cynllunio'r Cyngor, ar gael ei ddewis yn Gadeirydd Institiwt Cynllunio Trefol Brenhinol Cymru (RTPI) am 2025. Nodwyd bod Aneurin wedi gweithio yn y maes Cynllunio ers 1987, a'i fod bellach yn Arweinydd Tîm Gorfodaeth (Gwasanaeth Cynllunio) o fewn yr Adran Amgylchedd.
- Huw Elfed Roberts, Swyddog Gwasanaethau Etholiadol, ar gael ei benodi'n Gadeirydd Cangen Cymru o Gymdeithas y Gweinyddwyr Etholiadol (AEA), sef y corff proffesiynol ar gyfer swyddogion etholiadol y DU.
- Ysgol y Gorlan Tremadog ar ddod i'r brig efo Carol yr Ŵyl S4C eleni gyda charol a gyfansoddwyd gan Rhys ac Anest Glyn.
- Elain Iorwerth ar ennill y Goron yn Eisteddfod Ffermwyr Ifanc Cymru yn ôl ym mis Tachwedd.
- Marek Griffiths, Trawsfynydd, ar ennill ei chap pêl droed cyntaf i Gymru yn ddiweddar.

Cyfeiriwyd at ymddiswyddiad y Cynghorydd Linda Anne Jones o'r Cyngor. A hithau'n ddiwrnod Rhyngwladol y Merched ar 8 Mawrth, nodwyd bod Linda yn enghraifft wych o ddynes fu'n arwain mewn maes sy'n draddodiadol wedi ei arwain gan ddynion. Diolchwyd yn fawr iawn iddi am yn agos at 40 o flynyddoedd o wasanaeth, a dymunwyd y gorau iddi i'r dyfodol.

5. MATERION BRYD

Dim i'w nodi.

6. CWESTIYNAU

(Cyhoeddwyd atebion ysgrifenedig yr Aelodau Cabinet i'r cwestiynau ymlaen llaw.)

(A) Cwestiwn gan Aelod o'r Cyhoedd

Cwestiwn gan Mr Ieuan Wyn (cyfeiriad wedi'i ddarparu yn unol â gofynion y Cyfansoddiad)

Mae'n gwbl annerbyniol fod disgyblion Gwynedd o aelwydydd Cymraeg ac aelwydydd di-gymraeg yn derbyn llai o ddarpariaeth cyfrwng Cymraeg nag y mae disgyblion ysgolion Cymraeg mewn cymunedau llai Cymraeg mewn rhannau eraill o'n gwlad. Mae plant a phobl ifanc, rhieni a chymunedau Gwynedd yn haeddu ysgolion gyda'r

ddarpariaeth cyfrwng Cymraeg fwyaf cyflawn sy'n cael ei chynnig. Hynny fyddai'n briodol yn addysgol, yn ddiwylliannol ac yn gymdeithasol. Yn sgil y ffaith fod Llywodraeth Cymru wedi cyhoeddi bil addysg a bod shift iaith yn dwysáu yn arw yn y sir, a yw Cyngor Gwynedd am gymryd y cyfle euraid a thyngedfennol hwn i ddisodli polisi iaith addysg sydd wedi dyddio a chyflwyno polisi iaith addysg uchelgeisiol, clir, a chwbl newydd i'w ysgolion?

Ateb yr Aelod Cabinet Addysg, Y Cyngorydd Dewi Jones

Diolch am eich cwestiwn ac am eich diddordeb yn y maes pwysig hwn, maes sy'n bwysig i ni i gyd yn y Siambr hon rwy'n siŵr. Hefyd, diolch yn fawr i chi am fod yn barod i ddod i drafod gyda mi ychydig wythnosau yn ôl, pan gawsom yr union drafodaeth yma. Ydi, mae Cyngor Gwynedd am gymryd y cyfle euraid a thyngedfennol hwn i gyflwyno polisi iaith addysg uchelgeisiol, clir, a chwbl newydd i'n hysgolion. Fel rydych chi'n ymwybodol rwy'n siŵr, ac fel mae nifer o aelodau yn y Siambr heddiw yn ymwybodol, mae gwaith sylweddol yn digwydd eisoes dan arweiniad Meirion Prys Jones o lunio polisi a fydd yn cael ei gyflwyno ar ffurf drafft i'r Pwyllgor Craffu Addysg ac Economi ar y 10fed o Ebrill. Yn dilyn hynny, bydd yna gyfleoedd i ymgynghori gyda'r cyhoedd, ac rwy'n siŵr y bydd yna ran i chi chwarae yn hynny hefyd.

Cwestiwn Atodol gan Mr Ieuan Wyn

Diolch i chi am eich ymateb cadarnhaol a chalonogol yma heddiw ar goedd y bydd y polisi newydd yn uchelgeisiol, clir, a chwbl newydd. Gan hynny, fedrwn chi gadarnhau nad awgrymiadau a dyheadau yn unig fydd y polisi newydd, ond polisi clir a chadarn fydd yn gosod targedau clir i'r ysgolion i gynyddu'r ddarpariaeth cyfrwng Cymraeg o fewn amserlen a cherrig milltir pendant, a pholisi i'w weithredu'n egniol mewn ysbryd cenhadol gydag arweiniad a chefnogaeth yr Adran Addysg o ran monitro, adolygu a chynnig cymorth ymarferol i'r ysgolion?

Ateb yr Aelod Cabinet Addysg, y Cyngorydd Dewi Jones

Gallaf eich sicrhau y bydd y polisi yn uchelgeisiol a bydd y polisi yn sicrhau ein bod ni fel sir yn chwarae ein rhan i sicrhau bod gennym ni filiwn o siaradwyr Cymraeg erbyn 2050.

(B) Cwestiynau gan Aelodau Etholedig

(1) Cwestiwn Y Cyngorydd Richard Glyn Roberts

O ystyried bod ymdeimlad cryf yn lleol bod polisi treth gyngor ym maes tai gwag ac ail gartrefi, mewn rhai amgylchiadau, yn gosod baich trethiannol anghymesur ac annheg ar frodorion Gwynedd ac o ystyried bod canllawiau Llywodraeth Cymru ar y dreth gyngor ar dai gwag ac ail gartrefi yn dweud fel hyn:

Mater i'r awdurdod lleol yw penderfynu a fydd yn defnyddio'r pwerau disgresiwn yn adrannau 12A, 12B neu 13A i leihau atebolrwydd y dreth gyngor mewn perthynas â phremiwm neu i leihau rhwymedigaeth safonol y dreth gyngor, neu'r ddau, fel y bo'n briodol. Dylai'r polisi hwn gwmpasu amrywiaeth o sefyllfaoedd lle byddai awdurdod lleol yn ystyried defnyddio ei bwerau dewisol, gan gynnwys eiddo nad ydynt yn bodloni'r meini prawf i gael eu dosbarthu fel rhai annomestig. Er mwyn sicrhau tegwch a thryloywder, dylai fod gan awdurdod lleol bolisi clir ynghylch a gaiff y pwerau hyn eu defnyddio a sut. Fodd bynnag, dylai'r awdurdod ystyried pob achos yn unigol ar ôl pwysu a mesur amgylchiadau'r achos.

A oes gan Wynedd bolisi clir o'r fath gyda golwg ar ddefnyddio pwerau disgresiynol i leihau cyfradd y dreth gyngor sylfaenol (e.e. yn achos unedau gwyliau hunan ddarpar,

heb ganiatâd cynllunio i fod yn aelwydydd parhaol, sy'n methu cyrraedd y trothwy gosod 182 diwrnod) a sut mae'r awdurdod yn cloriannu amgylchiadau pob achos yn unigol gyda golwg ar y mater hwn ac ar fater cysylltiedig y premiwm?

Ateb yr Aelod Cabinet Cyllid, Y Cyngorydd Huw Wyn Jones

Dyma beth ydi sefyllfa'r Cyngor ar hyn o bryd. Rydym ni'n gweithredu'r gyfraith ac unrhyw eithriadau statudol sydd gennym i'w cyflawni yn ôl y gyfraith. Nid ydym yn gwneud unrhyw eithriadau dewisol ar hyn o bryd. Y pryder yw y byddem ni'n creu cynsail ac y byddai'r cynsail hwnnw yn gallu dod yn ôl i'n brathu, oni bai bod gennym ni bolisi cwbl glir. Mae eithriadau, wrth gwrs, yn anodd gan fod pob sefyllfa yn wahanol. Mae creu polisi clir, sydd ddim yn gosod cynsail, yn anodd ac mae croeso i chi ddod yn ôl atom ni i drafod hyn, ac i efallai ein helpu i geisio llunio rhyw fath o bolisi clir ar y mater hwn. Nid yw'r drws wedi cau, ond ar hyn o bryd mae ceisio darganfod ffordd o greu polisi eithriadau heb greu cynsail sy'n dod â phroblemau yn ei sgil yn anodd felly mae croeso i unrhyw un sydd yma heddiw gysylltu â mi i drafod hyn er mwyn gweld oes modd llunio polisi sy'n gweithio, ond mae'n anodd oherwydd bod pob achos ychydig yn wahanol. Rwy'n derbyn e-byst ynglŷn â'r maes yma yn lled aml.

Cwestiwn Atodol y Cyngorydd Richard Glyn Roberts

Gawn ni gadarnhau felly mai trwy fwriad yn hytrach na thrwy ddiffyg does gennym ni ddim polisi ar hyn o bryd a bod y drws yn agored i lunio polisi, o bosib, yn y dyfodol fel nad ydi ffermydd teuluol, mentrau cymdeithasol, busnesau llety gwyliau lleol dilyn sy'n methu cyrraedd y trothwy yn cael bil annisgwyl am £5,000 yn lle £2,000? Felly mae'r drws yn agored i ni drafod y math yna o bolisi?

Ateb yr Aelod Cabinet Cyllid, Y Cyngorydd Huw Wyn Jones

Mae'r rhestr o eithriadau rydych chi wedi eu rhoi yn amlygu pa mor anodd yw creu polisi sydd ddim yn dod yn ôl i'n brathu yn y dyfodol. Mae'r drws yn agored. Cysylltwch â mi – rydw i'n hapus iawn i drafod hefo chi, ond mae'n anodd iawn creu polisi yn y maes yma. Yn sicr, ni fydd unrhyw bolisi yn plesio pawb.

(2) Cwestiwn Y Cyngorydd Rhys Tudur

O ystyried bod unigolyn yn medru cael ei nodi i fod mewn angen am dŷ ar gyfer sawl ardal ar unwaith ar restr Cymdeithasau Tai neu'r Gofrestr Tai Gyffredin gan ychwanegu a lluosogi'r ffigwr y 'galw am dai' ar gyfer yr holl ardaloedd rheini y mae wedi dangos diddordeb i fyw ynddynt;

Ac o ystyried bod data'r 'galw am dai' wedi ei sylfaenu ar ddiddordeb mewn ardal yn hytrach nag angen ei phoblogaeth ac felly yn camarwain i'r graddau ei fod yn cyfiawnhau pob datblygiad ymhob man er mor anghydnaws ag ydynt ac er nad oes twf poblogaeth yn ein Sir;

Pa barodrwydd sydd gan y Cyngor hwn i nodi data o wir angen poblogaeth yr ardal ymhle lleolir cais cynllunio yn hytrach nag ystyried yr holl 'ddiddordeb' sirol sydd wedi ei nodi ar gyfer yr ardal?

Ateb yr Aelod Cabinet Tai ac Eiddo, Y Cyngorydd Paul Rowlinson

Diolch am godi'r pwynt pwysig hwn. Mae'n bwysig bod pob un ohonom yn deall union natur yr angen am dai cymdeithasol a beth mae'r ffigurau yn ddweud wrthym, ac yn arbennig felly'r sawl sy'n gwneud penderfyniadau ar faterion cynllunio. Rwy'n hyderus bod y data ar angen tai yr ydym yn eu cyhoeddi yn adlewyrchu yn gywir y gwir angen. Mae'r ffigurau ar adran Data Agored gwefan y Cyngor yn nodi'r "Angen Tai" ym mhob

ardal, gan ddiffinio angen tai yn ôl y nifer o geisiadau am dŷ cymdeithasol. Efallai fod y gwir angen am dai ychydig yn fwy na hyn gan nad yw rhai yn gwneud cais gan feddwl nad ydynt yn debygol o gael tŷ, ond nid oes modd mesur hynny ar hyn o bryd. Yn y data, mae'r sir yn cael ei rhannu yn 144 ardal, tua dwy ardal ym mhob ward ar gyfartaledd ac felly gan amlaf maent yn fychan iawn. Pan fydd rhywun yn chwilio am dŷ, fel rheol maent yn fodlon ystyried sawl ardal. Anogir ymgeiswyr i nodi ar eu ffurflen gais yr holl ardaloedd lle maent yn fodlon byw er mwyn uchafu eu siawns o gael cynnig cartref e.e. os yw rhywun yn ceisio tŷ ym Mangor, gallant roi cais am naw ardal o fewn y ddinas. O fewn ward Llanystumdwy y mae pum ardal. Mae'r ardaloedd hyn yn fychan iawn, rhai yn ddim ond un pentref.

Petai rhywun yn adio ffigurau ar gyfer yr holl ardaloedd at ei gilydd, byddai'r cyfanswm yn gamarweiniol gan y byddai'n cyfrif yr un ymgeiswyr sawl tro. Efallai mai dyna yw tarddiad y dryswch. Fodd bynnag, nid yw'r data a gyhoeddir yn gwneud hynny; mae'r ffigurau a nodir ar gyfer nifer y ceisiadau ar y gofrestr aros, dros 2,000, a nifer yr unigolion ar y gofrestr aros, dros 4,000, yn gywir. Mae yna nifer helaeth o bobl a phlant ar y rhestr ac mae'n bwysig codi mwy o dai cymdeithasol i ddiwallu'r angen a lleihau'r niferoedd hyn.

Pan gyflwynir cais cynllunio i ddatblygu tai cymdeithasol, mae'r Uned Strategaeth Tai yn rhoi sylwadau, gan gynnwys nifer y ceisiadau am dŷ yn yr ardal a'r mathau o dai sydd eu hangen. Mae'r dull yma o fesur angen yn ddull cydnabyddedig yn genedlaethol a defnyddir yr wybodaeth hon i brofi a oes angen lleol i gyfiawnhau'r cais.

Petaem ni'n cyfrif y rhai sy'n byw yn y pentref yn unig, ni fuasai hynny yn adlewyrchu'r gwir angen.

Mae rhai ymgeiswyr ar y rhestr aros yn byw yn y pentref ei hun, rhai yn yr ardaloedd cyfagos, rhai efallai yn dod o'r ardal yn wreiddiol, yn byw yn bell yn awr ac yn awyddus i symud adref. Efallai fod rhai wedi gorfod symud o'r ardal o'r blaen oherwydd diffyg tai fforddiadwy ac maent yn awyddus i symud adref a dylem eu helpu i wneud hynny. Efallai fod eraill yn ddigartref, yn aros dros dro mewn hostel neu wely a brecwast yn bell o'r pentref ac yn awyddus i ddychwelyd adref. Mae eraill yn gorfod symud i gymuned arall oherwydd eu hangen am fath arbennig o lety, e.e. eiddo ar gyfer pobl hŷn, fflatiau ayb., sydd ddim ar gael ymhob cymuned. Mae pobl yn symud hefyd yn aml ar sail angen ac nid dyhead (e.e. symud i fod yn agos i'w teulu er mwyn rhoi neu dderbyn cymorth, symud am resymau cyflogaeth, addysg, hyfforddiant, symud i osgoi trais neu fygythiadau o drais – ac mae'r rhain yn llawer iawn mwy cyffredin na fuasai rhywun yn feddwl). Mae'r rhesymau hyn wedi eu cydnabod yn y gyfraith ac felly yn rhywbeth sydd angen i'r Cyngor ei adlewyrchu yn ei drefniadau gosod.

Mae Polisi Gosod Tai Cyffredin Gwynedd yn blaenoriaethu unigolion a theuluoedd sydd wedi preswyllo am bum mlynedd neu fwy yn ardal Cyngor Cymuned ar gyfer pob gosodiad a wneir trwy'r gofrestr er mwyn sicrhau bod blaenoriaeth i unigolion sydd â chyswllt â'r ardal benodol ond, fel rwyf wedi esbonio, mae ceisio diffinio'r angen lleol am dai trwy ei gyfyngu i'r rhai sydd yn byw yno ar hyn o bryd yn gamarweiniol.

Nid oes neb yn ceisio cyfyngu prynwyr tai i'r pentrefi ble maent eisoes yn byw yn unig; ni ddylid ceisio gosod cyfyngiadau cyffelyb ar y rhai y mae arnynt angen tai cymdeithasol.

Cwestiwn Atodol y Cynghorydd Rhys Tudur

O ystyried mai'r data rydym ni'n ei gasglu ar hyn o bryd yw'r data angen sirol, a hefyd data ardaloedd sydd – ac rwy'n darllen nodyn yn y fan hyn ar y data ei hun sy'n dweud *“Mae'r data angen tai yn gofnod o bob ardal mae unigolyn wedi'i ddewis ar y cais”*.

Felly o ystyried hynny, gai ofyn pa baroddrwydd sydd gan y Cyngor hwn i gasglu data ar gyfer faint o unigolion sydd wedi dewis ardal fel eu blaenoriaeth pennaf rhif un, a hefyd faint o unigolion, sy'n byw mewn ardal lle mae yna gais cynllunio eisoes, sydd mewn angen am dŷ? Bydd y data hwnnw yn ein grymuso i fesur ble mae'r bobl sydd mewn angen am dai a bydd yn grymuso'r data sydd gennym ar yr angen yn lleol.

Ateb yr Aelod Cabinet Tai ac Eiddo, Y Cyngorydd Paul Rowlinson

Wel, rwyf wedi esbonio pam na fyddai'n briodol i nodi'r nifer sy'n byw yn y pentref, yn yr ardal yn barod. O ran y cwestiwn am y dewis cyntaf, wrth feddwl am y cwestiwn gwreiddiol, roeddem yn ystyried a fyddai'n beth doeth cynnwys y wybodaeth ychwanegol yna i helpu'r penderfynwyr, ond penderfynwyd nad oedd yn briodol. Wrth osod tai, nid ydym yn ystyried y drefn mae pobl wedi rhoi beth bynnag. Mae rhywun sydd wedi rhoi'r pentref i lawr fel ei ail ddewis yn cael ei ystyried yr un fath â rhywun sydd wedi'i roi fel dewis cyntaf, a hefyd nid yw llawer o bobl yn nodi'r dewis wrth lenwi'r ffurflen, ond yn ticio efallai hanner dwsin o flychau ar gyfer ble maent eisiau byw. Nid ydynt yn eu gosod mewn trefn flaenoriaeth ac felly, os ydynt yn y pentref, mae'n rhaid iddynt dderbyn y cynnig. Os ydynt yn gwrthod, maent yn disgyn i lawr y rhestr felly nid yw pobl yn cyflwyno ceisiadau am dai oni bai eu bod yn wirioneddol fodlon byw yn rhywle, er enghraifft, petai rhywun eisiau tŷ ym Mangor, efallai eu bod yn fodlon byw yn unrhyw un o'r 9 ardal ym Mangor. Nid yw pobl yn rhestru llefydd mewn trefn flaenoriaeth ar y ffurflenni, ac ni fyddai'n bosib' i ni ddarparu data cadarn o ran hynny. Mae yna broblemau ymarferol hefyd a byddai'n rhaid i chi fynd drwy'r system yn gwirio dewis cyntaf pawb. Mae yna gannoedd ar y rhestr. Yn fy ward i yn unig yn Rachub mae yna 177 felly mae yna broblemau ymarferol ynghlwm â gwneud hynny, ac nid yw hyn yn rhywbeth fyddai'n rhoi unrhyw ddata ystyrlon i chi mae gen i ofn.

(3) Cwestiwn Y Cyngorydd Gwynfor Owen

Tair blynedd yn ôl gofynnais gwestiwn yn y Cyngor "Beth mae'r Cyngor am ei wneud ynglŷn â'r broblem o oryrru yn ein cymunedau?"

Cefais ateb adeg hynny gan y deilydd Cabinet, Y cyn Gyngorydd Gareth Griffiths, yn dweud y byddai'r cyfyngiad cyflymder 20mya yn dod i mewn yn fuan ac y byddai hynny gobeithio yn gwella'r sefyllfa.

Y realiti yw nad yw'r sefyllfa wedi gwella o gwbl. Rwyf yn derbyn cwynion ar hyd fy ward yn cychwyn yn Llandecwyn, ymlaen i Dalsarnau, Glan y Wern, Ynys, Harlech, Llanfair a Llanbedr. A fuasai'r Cyngor yn fodlon edrych ar ffyrdd amgen o atal y goryrru sydd yn creu gwir boendod i gymaint o fy etholwyr?

Ateb yr Aelod Cabinet Amgylchedd, Y Cyngorydd Craig ab Iago

Rwy'n rhannu eich pryderon am y goryrru. Dros y blynyddoedd, wrth fod yn gynghorydd, rydw i wedi llwyddo i ostwng y terfynau cyflymder gyrru ar lonydd yn fy ardal. Rwyf wedi cael sawl sgwrs gyda sawl swyddog o'r Cyngor ynglŷn â hyn, a'r realiti o'm mhersbectif i fel cynghorydd yw nad oes yna lawer y gall y Cyngor ei wneud i newid sut mae pobl yn bihafio ar y lonydd. Os oes gennych chi unrhyw awgrymiadau neu syniadau, byddwn yn croesawu sgwrs ynglŷn â hynny unrhyw bryd. Rwy'n credu y byddai'n fuddiol mynd â'r mater gerbron pwyllgor craffu rhywbryd, ac mi fyddwn yn croesawu sgwrs gyda chi ynglŷn â'r mater.

Cwestiwn Atodol Y Cyngorydd Gwynfor Owen

Diolch am yr ateb cynhwysol. Er bod yr ateb ysgrifenedig yn llawn ffeithiau, y paragraff olaf yn unig sy'n ateb fy nghwestiwn, ac er fy mod yn hynod ddiolchgar o'r ateb yma, hoffwn ofyn am sicrwydd pellach y bydd swyddogion y Cyngor yn fodlon trafod pob opsiwn gyda mi ar gyfer arafu traffig ar lonydd oddi mewn i fy ward. Wrth

deithio drwy Gymru a thu hwnt, mae rhywun yn gweld pob math o bethau yn cael eu defnyddio i arafu traffig, ee. culhau lonydd, creu mannau croesi, arwyddion yn fflachio neu rywbeth i atgoffa gyrwyr o'r peryglon o or-yrru, a byddai'n braf gweld rhai o'r opsiynau yma yn cael eu defnyddio yn fy ward. Gan hynny, a fedrwyd chi sicrhau y bydd swyddogion y Cyngor yn fodlon trafod gyda mi bob opsiwn posib' ar gyfer arafu traffig oddi mewn i fy ward?

Ateb yr Aelod Cabinet Amgylchedd, Y Cyngorydd Craig ab Iago

Rwy'n hapus i drafod gyda chi. Croeso hefyd i unrhyw aelod arall gysylltu â mi i gael sgwrs am or-yrru yn eu ward.

(4) Cwestiwn Y Cyngorydd Jina Gwyrfa

Pa ystyriaeth a roddir i'r dynodiad 'ardal cadwraeth' wrth ystyried ceisiadau cynllunio, yn enwedig ceisiadau i osod paneli solar a phympiau gwresogi?

Ateb yr Aelod Cabinet Amgylchedd, Y Cyngorydd Craig ab Iago

Mae'r cwestiwn yn dechnegol iawn. Nid oes gen i unrhyw beth i'w ychwanegu i'r hyn sydd yn yr ateb ysgrifenedig. Ydi'r ateb o gymorth i chi?

Cwestiwn Atodol y Cyngorydd Jina Gwyrfa

O'r ateb, mae'n dda bod ystyriaeth arbennig yn cael ei rhoi i edrychiad ardaloedd cadwraeth tra bo pob cais cynllunio yn cael sylw unigol, sy'n ddigon teg. Fodd bynnag, wedyn mae'r egwyddor o edrych ar ôl cadwraeth yn y fantol yn fy marn, felly hoffwn holi sut mae cysoni'r ddwy egwyddor bwysig yma i sicrhau nad canlyniad cronol caniatáu nifer fawr o baneli solar, ac ati, yw dinistrio ardaloedd cadwraeth? Mae'n rhaid cael rhyw fath o fonitro.

Ateb yr Aelod Cabinet Amgylchedd, Y Cyngorydd Craig ab Iago

Mi fyddwn i'n cytuno â chi, ond eto mae'r cwestiwn yn gwestiwn technegol. Rwy'n hapus i gael sgwrs gyda chi a'r swyddogion i ddod o hyd i ateb sy'n ateb eich cwestiwn o ddifri'.

7. ADRODDIAD BLYNYDDOL – POLISI TAL GWEITHLU'R CYNGOR

Cyflwynodd Cadeirydd y Pwyllgor Penodi Prif Swyddogion, y Cyngorydd Ioan Thomas, adroddiad yn argymhell i'r Cyngor gymeradwyo argymhelliad y Pwyllgor Penodi Prif Swyddogion i fabwysiadu'r Polisi Tâl ar gyfer 2025/26.

Rhoddwyd cyfle i'r aelodau ofyn cwestiynau a chynnig sylwadau.

Gan gyfeirio at sylwadau'r swyddogion statudol ar ddiwedd yr adroddiad, holwyd oni fyddai wedi bod yn briodol cael barn gyfreithiol a chyllidol o'r tu allan i'r awdurdod yn yr achos hwn oherwydd buddiant y Swyddog Monitro a'r Swyddog Cyllid Statudol yn y mater. Mewn ymateb, nododd y Prif Weithredwr nad y Swyddog Monitro a'r Swyddog Cyllid Statudol oedd wedi cyflwyno'r sylwadau yn yr achos hwn, eithr eu dirprwyon, ond y dylid bod wedi gwneud hynny'n glir yn yr adroddiad.

Holwyd a ddylai'r Cyngor fod yn mabwysiadu'r Polisi Tâl os oes pwynt o bryder priodoldeb. Mewn ymateb, nododd y Prif Weithredwr nad oedd yna bwynt o bryder priodoldeb, ac y byddai'r cofnod o'r eitem hon yn nodi'n glir mai dirprwyon y ddau swyddog statudol oedd wedi cyflwyno'r sylwadau.

PENDERFYNWYD mabwysiadu Polisi Tâl Gweithlu'r Cyngor ar gyfer 2025/26.**8. ADDASIADAU I BROSIECTAU GWYNEDD OFALGAR – CYNLLUN CYNGOR GWYNEDD**

Cyflwynodd yr Aelod Cabinet Iechyd, Oedolion a Llesiant, y Cynghorydd Dilwyn Morgan, adroddiad yn gofyn i'r Cyngor gymeradwyo ychwanegu prosiect Gofal Cartref at y meysydd sydd i'w blaenoriaethu ar lefel strategol fel rhan o Gynllun Cyngor Gwynedd 2023-28.

Rhodddwyd cyfle i'r aelodau ofyn cwestiynau a chyflwyno sylwadau.

Holwyd a oedd gan y Cyngor system deg a chadarn o gyfeirio cwynion i sylw'r Gwasanaeth Gofal. Mewn ymateb, nododd y Cyfarwyddwr Statudol Gwasanaethau Cymdeithasol:-

- Bod gan y Cyngor system ar gyfer gwrandio ar gwynion a dysgu gwersi, ac ar gyfer derbyn sylwadau calonogol a chadarnhaol hefyd.
- Bod swyddog o'r Adran Plant a swyddog o'r Adran Oedolion yn delio â chwynion a sylwadau'n benodol, ac yn adrodd yn rheolaidd i'r Cabinet a'r Pwyllgor Craffu Gofal.
- Bod y maes hefyd wedi'i gynnwys fel rhan o'i adroddiad blynyddol i'r Cyngor, ac y byddai'n hapus i drafod ymhellach gyda'r aelod pe dymunai.

PENDERFYNWYD cymeradwyo ychwanegu'r prosiect isod at y meysydd sydd i'w blaenoriaethu ar lefel strategol fel rhan o Gynllun Cyngor Gwynedd 2023 28.

Sicrhau bod cefnogaeth amserol a llawn i'w gael i gefnogi pobl i allu byw adref

I sicrhau bod modd i bobl fyw eu bywyd gorau, mae'n rhaid i ni sicrhau fod cefnogaeth brydlon a rhwydd ar gael i unigolion a'u teuluoedd.

Byddwn yn gweithredu cynlluniau er mwyn:

- *Sicrhau ein bod yn cydnabod pa mor werthfawr yw gofalcwyr teuluol a di-dâl drwy wneud yn siŵr ein bod yn gallu eu hadnabod yn rhwydd a chynnig cefnogaeth llawn iddynt wrth ofalu.*
- *Lleihau ein rhestrau aros am becynnau gofal cartref newydd, gan sicrhau nad oes unrhyw un yng Ngwynedd yn aros mwy na 28 diwrnod yn dilyn asesiad gofal.*

9. CYLLIDEB 2025-26

Cyn cychwyn trafod yr eitem hon, nododd y Cadeirydd, yn unol â'r Cyfansoddiad, bod rhaid i'r Pennaeth Cyllid dderbyn rhybudd o unrhyw welliant i'r gyllideb yn ysgrifenedig ymlaen llaw, a bod rhaid i'r gwelliant hwnnw arwain at gyllideb hafal, os am gael ei drafod. Roedd holl aelodau'r Cyngor wedi'u hatgoffa o hynny'r wythnos cynt, a gan na dderbyniodd y Pennaeth Cyllid unrhyw rybudd o welliant erbyn yr amser cau dynodedig, ni fyddai modd i'r Cyngor ystyried unrhyw welliant i'r gyllideb.

Cyflwynodd yr Aelod Cabinet Cyllid, y Cynghorydd Huw Wyn Jones:-

- Adroddiad yn argymhell cyllideb i'r Cyngor ei chymeradwyo ar gyfer 2025/26;
- Penderfyniad drafft y Dreth Cyngor yn seiliedig ar argymhelliad y Cabinet i'r Cyngor (ar sail cynnydd o 8.66%) ynghyd â thablau yn dangos lefel y Dreth Cyngor a'r cynnydd fesul cymuned.

Diolchodd yr Aelod Cabinet i staff yr Adran Gyllid am eu holl waith yn paratoi'r gyllideb.

Diolchodd yr Arweinydd i'r Aelod Cabinet am ei gyflwyniad ac am wneud yr achos dros y gyllideb yn glir. Diolchodd i'r swyddogion am arwain y Cyngor drwy'r broses, ac am eu harbenigedd a'u sgiliau. Diolchodd hefyd i aelodau'r Pwyllgor Llywodraethu ac Archwilio

am eu gwaith yn craffu'r gyllideb, ac i'w chyd-gynghorwyr am fynychu'r gweithdai ar y gyllideb. Nododd ymhellach:-

- Bod y gyllideb yn adlewyrchu gwerthoedd y Cyngor gan ei bod yn blaenoriaethu'r bobl fwyaf bregus mewn cymdeithas drwy warchod gofal i blant a gwasanaethau cymdeithasol oedolion, clustnodi arian i geisio lleihau'r rhestrau aros am ofal a gwarchod ysgolion rhag toriadau'r flwyddyn nesaf.
- Bod y pwysau ar y gwasanaethau yn cynyddu yn flynyddol gyda phoblogaeth y sir yn heneiddio, mwy o bobl angen gofal, mwy o blant bregus angen gofal a mwy o bobl yn ddigartref.
- Er y cynnydd yn y galw am wasanaethau, bod rhaid i'r Cyngor osod cyllideb hafal.
- Yn sgil dwyn pwysau ar Bwyllgor Cyllid Senedd Cymru drwy Gymdeithas Llywodraeth Leol Cymru, y cafwyd isafswm i'r setliad, neu byddai sefyllfa Gwynedd wedi bod hyd yn oed yn fwy dybryd. Fodd bynnag, nid oedd hyn yn ateb tymor hir, ac er lles pobl Gwynedd, roedd yn ofynnol sicrhau cyllido teg i lywodraeth leol.

Rhodddwyd cyfle i'r aelodau ofyn cwestiynau a chyflwyno sylwadau.

Holwyd pa mor hyderus oedd y Pennaeth Cyllid bod y gyllideb yn gadarn ac na fyddai'n rhaid i'r Cyngor wneud defnydd o falansau eto eleni. Mewn ymateb, manylodd y Pennaeth Cyllid ar gynnwys Atodiad 10 i'r adroddiad, sef y datganiad y mae'n ofynnol iddo ei wneud fel Swyddog Cyllid Statudol ar gadernid yr amcangyfrifon yn unol ag Adran 25, Deddf Llywodraeth Leol 2003.

O ran yr elfen o'r cwestiwn yn ymwneud â'r defnydd o falansau, nododd y Pennaeth Cyllid y credai y byddai'r adnoddau ychwanegol a gynhwyswyd fel rhan o'r bidiau (Atodiad 2) yn mynd lawer o'r ffordd tuag at ymdrin â'r bwlch ariannol a'r gorwariant a welwyd yn 2024/25, gan ragweld na fyddai hynny'n digwydd eto'r flwyddyn nesaf. Er hynny, ni allai warantu na fyddai yna orwariant eto yn 2025/26.

Cadarnhaodd y Pennaeth Cyllid, wedi ystyried yr holl risgiau a'r camau lliniaru, ei fod o'r farn bod Cyllideb y Cyngor am 2025/26 yn gadarn, yn ddigonol, ac yn gyraeddadwy.

Cyflwynwyd y sylwadau a ganlyn gan aelodau:-

- Nad oedd llywodraeth leol yn cael ei ariannu'n briodol ac nad oedd y system Dreth Cyngor fyth am weithio i'n hetholwyr. Byddai treth incwm lleol yn system decach, a chredid bod angen ymchwilio ymhellach i hynny.
- Bod y bwlch ariannol yn cynyddu o flwyddyn i flwyddyn ac y byddai angen cynyddu gwariant y Cyngor £25.8m yn 2025/26 er mwyn sefyll yn llonydd.
- Bod y ddwy Lywodraeth yn symud fwyfwy tuag at dreth anflaengar, yn hytrach na threth flaengar. Yn 1996, roedd 81.8% o gyllideb y Cyngor yn cael ei thalu gan y llywodraeth ganolog. Erbyn 2009/10 roedd y ffigwr wedi gostwng i 78.4%, ac erbyn hyn roedd wedi disgyn bron 10% arall i 69.5%.
- Yn sgil 15 mlynedd o lymder, bod y gwasanaethau cyhoeddus ar eu gliniau, lefelau uwch nag erioed o bobl yn ddigartref a phlant yn dioddef o afiechydon nas gwelwyd ers Oes Fictoria.
- Bod Llywodraeth San Steffan yn llwyddo i ganfod arian i dalu am ryfel tra'n torri ar y wladwriaeth les.
- Y cafwyd addewid o "bartneriaeth mewn grym" rhwng Llywodraeth San Steffan a Llywodraeth Cymru, yn cael ei arwain at y Blaid Lafur, ond addewid gwag oedd hynny.
- Bod y Dreth Gyngor yn dreth annheg ac anflaengar sy'n sicrhau nad yw'r bobl fwyaf cyfoethog mewn cymdeithas yn talu eu siâr. O bosib' bod angen siarad yn uwch am hyn yn y flwyddyn ariannol nesaf, gan geisio perswadio cynghorau eraill i wneud yr un fath.
- Bod y Cyngor yn wynebu penderfyniadau anodd, ond bod y penderfyniadau hynny yn sicrhau ein bod yn gallu cefnogi'r bobl fwyaf bregus yn ein cymdeithas, a hefyd y genhedlaeth nesaf.

- Bod y swm o arian sy'n dod i Wynedd gan Lywodraeth Cymru yn ddibynnol ar ffigurau poblogaeth y sir, sy'n gostwng, ac y gobeithir y bydd Uchelgais Gogledd Cymru yn gwneud popeth o fewn eu gallu i greu swyddi yng Ngwynedd, fel na fydd angen i bobl adael y sir i chwilio am waith.

Nodwyd bod y cynnydd arfaethedig o 8.66% yn y Dreth Gyngor yn cario drwodd i'r Premiwm Treth Cyngor ac yn gosod baich trethiannol anghymesur ac annheg ar rai o frodorion Gwynedd, megis ffermydd teuluol, mentrau cymdeithasol a busnesau llety gwyliau lleol dilys, ayb. Holwyd pa mor anodd fyddai cyflwyno eithriadau ychwanegol mewn polisi eglur, yn hytrach nag ymdrin â sefyllfaoedd achos wrth achos lle nad oes gwir eglurder. Mewn ymateb, nodwyd:-

- Mai polisi'r Cyngor oedd i ganiatáu eithriadau statudol yn unig.
- Bod yna ran o'r ddeddfwriaeth sy'n caniatáu i'r Cyngor ystyried gostwng biliau Treth Cyngor, boed hynny i grŵp o drethdalwyr neu i drethdalwyr unigol.
- Mewn achosion o wir galedi, y tuedd i ystyried disgresiwn ar gyfer, nid yn unig y Premiwm, ond y Dreth Gyngor i gyd.
- Wrth ystyried sefyllfa grwpiau o drethdalwyr, bod rhaid sicrhau bod y mater yn cael ei drin yn gytbwys ac yn unol â'r ddeddfwriaeth, ac ni ellid codi Premiwm ar un garfan o bobl a ddim ar garfan arall, oni bai bod yna eglurhad a chyfiawnhad clir dros wneud hynny. Fel y bu i'r Aelod Cabinet Cyllid nodi mewn ymateb i gwestiwn ar yr union fater hwn yn gynharach yn y cyfarfod, roedd perygl o greu cynsail ac y gallai'r cynsail hwnnw ddod yn ôl i'n brathu, oni bai bod gennym bolisi cwbl glir.
- Er mor anodd fyddai creu polisi, ni fyddai hynny'n amhosib', a gellid edrych ar hynny ymhellach a chael polisi yn ei le.

Nododd yr Aelod Cabinet Addysg ei fod yn falch bod y gyllideb ysgolion yn cael ei hamddiffyn yn 2025/26, ond bod ysgolion y sir, fel nifer o sectorau eraill mewn cymdeithas, dan straen aruthrol, gyda phenaethiaid yn ei chael yn anodd llunio cyllideb gytbwys a staff mewn rhai ysgolion yn colli swyddi o ganlyniad i hynny.

Nododd yr Aelod Cabinet Oedolion, Iechyd a Llesiant:-

- Bod y gwaith anodd sydd wedi digwydd i bwyso a mesur y toriadau yn erbyn cynyddu'r Dreth Gyngor wedi bod yn llwybr hir a chaled.
- Bod y gyllideb gerbron yn buddsoddi yn y bobl fwyaf bregus.
- Bod 82% o orwariant y Cyngor yn dod o'r maes gofal, ond nid gorwariant ydoedd mewn gwirionedd, eithr diffyg cyllido'r holl ofal sydd ei angen, a hynny dros nifer o flynyddoedd.
- Gyda'r galw am ofal yn cynyddu o flwyddyn i flwyddyn, bod y staff yn gweithio'n galed iawn saith diwrnod yr wythnos, bob wythnos o'r flwyddyn.
- Er bod y Cyngor bellach yn darparu ychydig dros 9,000 o oriau o ofal yr wythnos, nid oedd hynny'n ddigonol ac roedd yna bobl ar y rhestrau aros o hyd.
- Na ellir rhoi sicrwydd na fydd yna orwariant yn y maes gofal eto'r flwyddyn nesaf gan na ellir darogan beth fydd y galw am y gwasanaethau, ond gyda'r gyllideb hon, byddai'r Cyngor yn cymryd y cam cyfrifol tuag at y bobl fwyaf bregus yn y sir.

Galwyd am bleidlais gofrestredig ar y cynnig.

Yn unol â'r Rheolau Gweithdrefn, cofnodwyd y bleidlais ganlynol ar y cynnig:-

O blaid	45	Y Cynghorwyr:- Craig ab Iago, Menna Baines, Beca Brown, Stephen Churchman, Glyn Daniels, Elwyn Edwards, Elfed Wyn ap Elwyn, Alan Jones Evans, Gwilym Evans, Delyth Lloyd Griffiths, Jina Gwyrfa, Medwyn Hughes, Iwan Huws, Nia Wyn Jeffreys, Berwyn Parry Jones, Dawn Lynne Jones, Dewi Jones, Gwilym Jones, Gareth Tudor Jones, Huw Wyn Jones, June Jones, Cai Larsen, Beth Lawton, Dilwyn Morgan, Linda Morgan, Edgar Wyn Owen, Gwynfor Owen, Llio Elenid Owen, John Pughe, Rheinallt Puw, Arwyn Herald Roberts, Beca Roberts, Elfed P Roberts, Meryl Roberts, Richard Glyn Roberts,
------------	----	--

		Huw Llwyd Rowlands, Paul Rowlinson, Dyfrig Siencyn, Ioan Thomas, Menna Trenholme, Rhys Tudur, Einir Wyn Williams, Elfed Williams, Sasha Williams a Sian Williams.
Yn erbyn	12	Y Cynghorwyr:- Dylan Fernley, Louise Hughes, Anne Lloyd Jones, Elwyn Jones, Dewi Owen, Gareth Coj Parry, John Pughe Roberts, Peter Thomas, Rob Triggs, Hefin Underwood, Gareth Williams a Gruffydd Williams.
Atal	2	Y Cynghorwyr Eryl Jones-Williams a Nigel Pickavance.

Nododd y Cadeirydd fod y cynnig wedi cario.

PENDERFYNWYD

1. Cymeradwyo'r argymhellion a gyflwynwyd gan y Cabinet, sef:-

(a) Sefydlu cyllideb o £356,815,330 ar gyfer 2025/26 i'w ariannu drwy Grant Llywodraeth o £248,389,720 a £108,425,610 o incwm o'r Dreth Cyngor (sy'n gynnydd o 8.66%).

(b) Sefydlu rhaglen gyfalaf o £53,736,190 yn 2025/26 i'w ariannu o'r ffynonellau a nodir yn Atodiad 4 i'r adroddiad a gyflwynwyd i'r Cyngor.

2. Nodi fod yr Aelod Cabinet dros Gyllid, drwy daflen benderfyniad dyddiedig 30 Rhagfyr 2024, wedi cymeradwyo cyfrifiad y symiau a ganlyn ar gyfer y flwyddyn 2025/26 yn unol â'r rheoliadau a luniwyd dan Adran 33 (5) o Ddeddf Cyllid Llywodraeth Leol 1992 ("Y Ddeddf"):-

(a) 56,842.05 yw'r swm a gyfrifwyd fel ei Sylfaen Dreth Cyngor am y flwyddyn yn unol â'r Rheoliadau Awdurdodau Lleol (Cyfrifo Sylfaen y Dreth Cyngor) (Cymru) 1995 fel y'i diwygiwyd.

(b) Rhan o ardal y Cyngor – Sylfaen Drethiannol Cymuned –

Aberdaron	621.88	Llanddeiniolen	1,904.89
Aberdyfi	1,194.77	Llandderfel	528.88
Abergwyngregyn	121.90	Llanegryn	174.80
Abermaw (Barmouth)	1,317.52	Llanelltyd	310.17
Arthog	695.76	Llanengan	2,751.39
Y Bala	818.83	Llanfair	362.68
Bangor	4,244.36	Llanfihangel y Pennant	251.76
Beddgelert	350.40	Llanfrothen	237.36
Betws Garmon	146.24	Llangelynnin	484.85
Bethesda	1,765.16	Llangywer	159.19
Bontnewydd	463.21	Llanllechid	371.67
Botwnnog	484.06	Llanllyfni	1,471.45
Brithdir a			
Llanfachreth	474.36	Llannor	951.51
Bryncrug	355.42	Llanrug	1,154.25
Buan	244.98	Llanuwchllyn	334.68
Caernarfon	3,721.81	Llanwnda	857.37
Clynnog Fawr	489.83	Llanycil	213.75
Corris	319.67	Llanystumdwy	937.44
Criccieth	1,016.89	Maentwrog	319.62
Dolbenmaen	652.91	Mawddwy	378.38
Dolgellau	1,315.09	Nefyn	1,696.20
Dyffryn Ardudwy	873.94	Pennal	238.53
Y Felinheli	1,202.04	Penrhyndeudraeth	838.59

Ffestiniog	1,842.24	Pentir	1,310.58
Y Ganllwyd	88.00	Pistyll	298.51
Harlech	870.85	Porthmadog	2,304.34
Trefor a			
Llanaelhaearn	475.75	Pwllheli	1,866.35
Llanbedr	359.87	Talsarnau	365.44
Llanbedrog	882.45	Trawsfynydd	528.93
Llanberis	814.21	Tudweiliog	520.39
Llandwrog	1,083.91	Tywyn	1,776.31
Llandygai	1,038.17	Waunfawr	595.31

sef y symiau a gyfrifwyd fel symiau Sylfaen y Dreth Cyngor ar gyfer y flwyddyn ar gyfer tai annedd yn y rhannau hynny o'i ardal lle bo un eitem arbennig neu fwy'n berthnasol.

3. Bod y symiau a ganlyn yn cael eu cyfrifo yn awr gan y Cyngor ar gyfer y flwyddyn 2025/26 yn unol ag Adrannau 32 i 36 o'r Ddeddf:-

- | | | |
|------|---------------|--|
| (a) | £581,749,890 | Sef cyfanswm y symiau y mae'r Cyngor yn eu hamcangyfrif ar gyfer yr eitemau a nodwyd yn Adran 32(2)(a) i (e) o'r Ddeddf (gwariant gros). |
| (b) | £221,986,500 | Sef cyfanswm y symiau y mae'r Cyngor yn eu hamcangyfrif ar gyfer yr eitemau a nodwyd yn Adran 32(3)(a) i (c) o'r Ddeddf (incwm). |
| (c) | £359,763,390 | Sef y swm sy'n cyfateb i'r gwahaniaeth rhwng cyfanswm 3(a) uchod a chyfanswm 3(b) uchod, a gyfrifwyd gan y Cyngor, yn unol ag Adran 32(4) o'r Ddeddf, fel ei ofynion cyllideb ar gyfer y flwyddyn (cyllideb net). |
| (ch) | £247,894,058 | Sef cyfanswm y symiau y mae'r Cyngor yn amcangyfrif y byddant yn daladwy yn ystod y flwyddyn i'w gronfa ar gyfer cyfan o'r Dreth Annomestig Genedlaethol a Grant Cynnal Refeniw, llai amcangyfrif o'r gost i'r Cyngor o ryddhad dewisol o'r dreth annomestig a ganiateir. |
| (d) | £1,968.07 | Sef y swm yn 3(c) uchod llai'r swm yn 3(ch) uchod, y cyfan wedi ei rannu gan y swm a nodir yn 2(a) uchod, a gyfrifwyd gan y Cyngor yn unol ag Adran 33(1) o'r Ddeddf, sef swm sylfaenol ei Dreth Cyngor am y flwyddyn (treth Cyngor Gwynedd a threth cyfartalog cynghorau cymuned). |
| (dd) | £3,443,721.04 | Sef cyfanswm yr holl eitemau arbennig y cyfeirir atynt yn Adran 34(1) o'r Ddeddf (praeseptau'r cynghorau cymuned). |
| (e) | £1,907.49 | Sef y swm yn 3(d) uchod llai'r canlyniad a geir wrth rannu'r swm yn 3(dd) uchod â'r swm yn 2(a) uchod, a gyfrifwyd gan y Cyngor, yn unol ag Adran 34(2) fel swm sylfaenol ei Dreth Cyngor am y flwyddyn ar gyfer tai annedd yn y rhannau hynny o'i ardal lle nad oes unrhyw eitem arbennig yn berthnasol (Band D ar gyfer treth Cyngor Gwynedd yn unig). |

(f) Ar gyfer rhannau o ardal y Cyngor –

Aberdaron	1,935.63	Llanddeiniolen	1,923.76
Aberdyfi	1,945.61	Llandderfel	1,935.85
Abergwyngregyn	1,944.41	Llanegryn	1,952.40
Abermaw (Barmouth)	1,960.16	Llanelltyd	1,946.18
Arthog	1,929.05	Llanengan	1,931.11
Y Bala	1,942.30	Llanfair	1,957.12
		Llanfihangel y	
Bangor	2,049.15	Pennant	1,957.54
Beddgelert	1,948.02	Llanfrothen	1,961.42
Betws Garmon	1,929.03	Llangelynnin	1,937.20
Bethesda	1,971.14	Llangywer	1,938.90
Bontnewydd	1,947.43	Llanllechid	1,953.82
Botwnnog	1,920.92	Llanllyfni	1,943.51
Brithdir a			
Llanfachreth	1,932.79	Llannor	1,929.56
Bryncrug	1,945.05	Llanrug	1,994.13
Buan	1,925.86	Llanuwchllyn	1,957.69
Caernarfon	2,022.94	Llanwnda	1,946.10
Clynnog Fawr	1,978.94	Llanycil	1,929.71
Corris	1,966.93	Llanystumdwy	1,929.36
Criccieth	1,966.49	Maentwrog	1,928.99
Dolbenmaen	1,935.06	Mawddwy	1,942.11
Dolgellau	1,966.04	Nefyn	1,963.50
Dyffryn Ardudwy	1,970.42	Pennal	1,982.95
Y Felinheli	1,951.27	Penrhyndeudraeth	2,028.65
Ffestiniog	2,043.19	Pentir	1,949.46
Y Ganllwyd	1,944.42	Pistyll	1,947.69
Harlech	2,005.10	Porthmadog	1,939.46
Trefor a			
Llanaelhaearn	1,960.04	Pwllheli	1,977.14
Llanbedr	1,988.07	Talsarnau	2,000.53
Llanbedrog	1,941.49	Trawsfynydd	1,945.30
Llanberis	1,958.07	Tudweiliog	1,926.71
Llandwrog	1,983.73	Tywyn	1,966.57
Llandygai	1,944.96	Waunfawr	1,927.65

sef y symiau a geir trwy ychwanegu symiau'r eitem neu eitemau arbennig sy'n berthnasol i dai annedd yn y rhannau hynny o ardal y Cyngor y cyfeiriwyd atynt uchod, at y swm a geir yn 3(e) uchod wedi'u rhannu ym mhob achos gan y swm yn 2(b) uchod, a gyfrifwyd gan y Cyngor yn unol ag Adran 34(3) o'r Ddeddf, fel symiau sylfaenol ei Dreth Cyngor am y flwyddyn ar gyfer tai annedd yn y rhannau hynny o'i ardal lle bo un eitem arbennig neu fwy'n berthnasol.

(ff) Ar gyfer rhannau o ardal y Cyngor, y ffigyrau a nodir yn Atodiad 1, sef y symiau a geir trwy luosi'r symiau yn 3(f) uchod â'r rhif sydd yn ôl y cyfrannau a nodir yn Adran 5(1) o'r Ddeddf, yn berthnasol i dai annedd a restrir mewn band prisio arbennig wedi'i rannu â'r rhif sydd yn ôl y cyfrannau hynny'n berthnasol i dai a restrir ym mand prisio D, a gyfrifir gan y Cyngor, yn unol ag Adran 36(1) o'r Ddeddf, yn symiau sydd i'w hystyried ar gyfer y flwyddyn ar gyfer y categorïau o dai annedd a restrir yn y gwahanol fandiau prisio.

4. Nodi ar gyfer y flwyddyn 2025/26 fod Comisiynydd Heddlu a Throsedd Gogledd Cymru wedi nodi'r symiau a ganlyn mewn praecept a roddwyd i'r Cyngor, yn unol ag Adran 40 o'r Ddeddf ar gyfer pob un o'r categorïau o dai annedd a ddangosir isod:

Band A	Band B	Band C	Band D	Band E	Band F	Band G	Band H	Band I
248.10	289.45	330.80	372.15	454.85	537.55	620.25	744.30	868.35

5. Wedi pennu'r cyfanswm ym mhob achos o'r symiau 3(ff) a 4 uchod, bod y Cyngor, yn unol ag Adran 30(2) o'r Ddeddf trwy hyn, yn pennu'r symiau a nodir yn Atodiad 2 ar gyfer y Dreth Cyngor yn y flwyddyn 2025/26 ar gyfer pob categori o dai annedd a ddangosir yn yr Atodiad.

10. STRATEGAETH GYFALAF 2025-26 (YN CYNNWYS STRATEGAETHAU BUDDSODDI A BENTHYCA)

Cyflwynodd yr Aelod Cabinet Cyllid, y Cyngorydd Huw Wyn Jones, adroddiad yn rhoi trosolwg lefel uchel ar y modd y mae gwariant cyfalaf, ariannu cyfalaf a gweithgaredd rheolaeth trysorlys yn cyfrannu at ddarparu gwasanaethau cyhoeddus lleol. 'Roedd yr adroddiad hefyd yn rhoi trosolwg o sut y rheolir risgiau cysylltiedig, a'r goblygiadau i gynaliadwyedd ariannol yn y dyfodol.

Wrth gyflwyno'r adroddiad, tynnwyd sylw gan yr Aelod Cabinet at baragraff 6.4 o Atodiad C i'r adroddiad 'Ystyriaethau Amgylcheddol, Cymdeithasol a Llywodraethu (ESG)' a ddiwygiwyd yn dilyn rhybudd o gynnig y Cyngorydd Cai Larsen i gyfarfod 3 Hydref, 2024 o'r Cyngor. Nodwyd bod y Strategaeth yn cadarnhau bod y Cyngor yn ymrwymedig i fod yn fuddsoddwr cyfrifol gan ystyried holl ffactorau amgylcheddol, cymdeithasol a llywodraethu wrth fuddsoddi.

PENDERFYNWYD derbyn yr adroddiad a chymeradwyo'r Strategaeth Gyfalaf ar gyfer 205/26.

11. SEFYDLU CYD-BWYLLGOR TROSOLWG A CHRAFFU CYD-BWYLLGOR CORFFOREDIG Y GOGLEDD

Cyflwynodd y Swyddog Monitro adroddiad:-

- yn nodi bod canllawiau statudol ac arfer presennol yn arwain tuag at chwe chyngor y Gogledd yn sefydlu model craffu trosolwg ar y cyd fel bod un corff penodol sy'n cael ei drochi yng ngwaith y Cyd-bwyllgor Corfforedig (CBC);
- yn cyflwyno cyfres o argymhellion sy'n darparu ar gyfer trefniadau craffu ar gyfer y Cyd-bwyllgor.

Rhoddwyd cyfle i'r aelodau ofyn cwestiynau a chyflwyno sylwadau.

Mynegwyd anfodlonrwydd bod penodi aelodau'r Cyd-bwyllgor ar sail cydbwysedd gwleidyddol y cynghorau unigol yn eithrio grwpiau llai ar draws y Gogledd rhag cyrraedd y trothwy. Awgrymwyd hefyd y byddai Cyd-bwyllgor o 18 o aelodau (sef 3 aelod o bob cyngor, yn hytrach na 2 fel sy'n cael ei gynnig) yn rhoi gwell siawns i grwpiau llai gael sedd ar y Cyd-bwyllgor. Mewn ymateb, nodwyd:-

- Y byddai'r pryder hwn yn cael ei gyfleu.
- Nad oedd y drws wedi cau ac y byddai'n bosib' addasu neu ddatblygu'r model ymhellach ar ôl profiad o gynnal y trefniadau.

Mewn ymateb i gwestiynau gan aelodau, eglurwyd, petai argymhellion yr adroddiad yn cael eu mabwysiadu, mai'r Cyngor llawn, ym mis Mai, fyddai'n mabwysiadu dyraniad seddau'r

Cyngor hwn ar y Cyd-bwyllgor fel rhan o'i adolygiad blynyddol o gydbwysedd gwleidyddol y Cyngor. O edrych ar y rhifau a'r rhaniad gwleidyddol, a heb ragfarnu unrhyw benderfyniad, roedd yn ymddangos ar hyn o bryd y byddai yna 1 sedd i Grŵp Plaid Cymru ac 1 sedd i'r Grŵp Annibynnol.

Nododd yr Arweinydd, er yn cytuno â llawer o'r pwyntiau, nad oedd y drefn CBC, sy'n golygu rhanbartholi o Fôn i Wrecsam, yn ddull democrataidd o wneud penderfyniadau. Fodd bynnag, gan fod y drefn wedi'i gorfodi arnom, roedd yn bwysig sicrhau dull o graffu gwaith y CBC a'i ddal yn atebol.

PENDERFYNWYD

1. **Sefydlu Cyd-bwyllgor Trosolwg a Chraffu Cyd bwyllgor Corfforedig y Gogledd gyda'r Cylch Gorchwyl sydd yn Atodiad 1 i'r adroddiad a gyflwynwyd i'r Cyngor.**
2. **Cytuno bod pwerau Pwyllgorau Craffu lleol y darperir ar eu cyfer o dan Reoliadau Cyd bwyllgorau Corfforedig (Cyffredinol) (Rhif 2) (Cymru) 2022 yn cael eu cadw.**
3. **Cytuno y bydd cydbwysedd gwleidyddol enwebeion Cyngor Gwynedd i'r pwyllgor trosolwg a chraffu ar y cyd (CBTcH) yn adlewyrchu aelodaeth Cyngor Gwynedd yn hytrach na chyfanswm aelodaeth holl gynghorau Gogledd Cymru.**
4. **Cytuno y bydd yr ysgrifenyddiaeth ar gyfer y Cyd bwyllgor Trosolwg a Chraffu yn cael ei ddarparu gan y CBC yn unol â'r Cylch Gorchwyl.**

12. AROLYGON CYMUNEDOL O DAN DDEDDF LLYWODRAETH LEOL (DEMOCRATIAETH) (CYMRU) 2013

Cyflwynodd yr Aelod Cabinet Gwasanaethau Corfforaethol a Chyfreithiol, y Cynghorydd Llio Elenid Owen, adroddiad:-

- yn nodi y bu i'r Cyngor, ar 7 Mawrth, 2024, gymeradwyo cynnal arolygon cymunedol o dan adrannau 25 a 31 o Ddeddf Llywodraeth Leol (Democratiaeth) (Cymru) 2013.
- yn adrodd yn ôl ar ganlyniad y cyfnod ymgynghori ac ymchwilio cychwynnol ar yr arolygon cymunedol hynny; ac
- yn gofyn i'r Cyngor gymeradwyo Cynigion Drafft ar gyfer ymgynghoriad cyhoeddus pellach.

PENDERFYNWYD cymeradwyo'r Cynigion Drafft dan adrannau 25 a 31 o Ddeddf Llywodraeth Leol (Democratiaeth)(Cymru) 2013 er mwyn ymgynghori arnynt.

13. ADDASU Y CYFANSODDIAD – PORTFFOLIOS CABINET

Cyflwynodd y Swyddog Monitro adroddiad yn adrodd yn ffurfiol, yn unol â Rhan 5 o'r Cyfansoddiad, bod Arweinydd y Cyngor wedi gweithredu i ail-drefnu Portffolios Aelodau'r Cabinet.

Gwnaed sylw gan aelod bod mwyafrif aelodau'r Cabinet yn dod o ardal Arfon, ac mai un yn unig sy'n huanu o Feirionnydd. Nodwyd hefyd bod yr Aelodau Cabinet sy'n dod o Ddwyfor yn byw ar gyrion Arfon. Gan hynny, holwyd sut y gellid sicrhau nad oes yna ragfarn ddarwybod yn codi wrth wneud penderfyniadau ar sail daearyddiaeth, ac i ba raddau y gellid osgoi diffyg cydymdeimlad â chyrion y sir, sef y rhannau mwyaf gwasgarog eu poblogaeth? Mewn ymateb, nododd y Prif Weithredwr:-

- Nad oedd am basio barn ynglŷn â chynnwys y sylw gan mai adroddiad er gwybodaeth oedd gerbron o ran newid y Cyfansoddiad, a mater i'r Arweinydd oedd penodi ei Chabinet.
- Fel yr un sy'n arwain staff y Cyngor, ei fod yn nodi'r sylw, ac y gallai sicrhau nad oes yna unrhyw ragfarn ddarwybod ddaearyddol yn bodoli o safbwynt y staff.

Diolchodd aelod i'r 4 Aelod Cabinet oedd wedi sefyll i lawr yn gynharach yn y tymor hwn ar fater o egwyddor am eu gwasanaeth. Nodwyd bod yr aelodau hynny wedi galw am ymchwiliad cyhoeddus ac adolygiad annibynnol ar y mater, ac y croesawid y ffaith bod hynny'n digwydd rŵan.

PENDERFYNWYD derbyn yr adroddiad.

14. NEWIDIADAU CYFANSODDIAD – RHEOLAU GWEITHDREFN CONTRACT NEWYDD (ADRAN 17)

Gosododd y Swyddog Monitro y cyd-destun a chyflwynodd y Cyfreithiwr adroddiad:-

- yn nodi bod y Ddeddf Caffael 2023 a ddaeth i rym ar 24 Chwefror, 2025 yn golygu bod rhaid i'r Cyngor adolygu a diwygio ei reolau caffael mewnol sydd wedi'u cynnwys o fewn y Rheolau Gweithdrefn Contract i adlewyrchu'r newid yn y ddeddfwriaeth er mwyn sicrhau cydymffurfiaeth â'r ddeddf.
- yn gofyn i'r Cyngor newid y Cyfansoddiad drwy fabwysiadu'r Rheolau Contract newydd (Adran 17) a ddangosir yn Atodiad 1 i'r adroddiad.

Rhodddwyd cyfle i'r aelodau ofyn cwestiynau a chyflwyno sylwadau.

Croesawyd y rheoliadau a dymunwyd yn dda i bawb sy'n gweithio yn y maes Caffael.

Nodwyd nad oedd yna lawer o gyfeiriadau yn y Rheoliadau at sgiliau ieithyddol yn yr is-contractio ac awgrymwyd bod cyfle euraidd yn cael ei golli yma. Derbynnid bod yna reolau contractio yn ymwneud â gwahaniaethu, ond roedd y gyfraith yn dweud bod modd blaenoriaethu mewn gwahanol amgylchiadau wrth gyflawni nod cyfreithlon fel hyrwyddo'r iaith Gymraeg. Gan hynny, cynigiwyd gwelliant i ohirio mabwysiadu'r Rheoliadau hyd oni fydd y Pwyllgor Iaith wedi cael cyfle i graffu hyn. Mewn ymateb, nodwyd:-

- Bod hwn yn fater o gydymffurfiaeth â deddfwriaeth sydd mewn llaw bellach, a bod rhaid i'r Cyngor gael rheolau sy'n cyd-fynd â'r ddeddfwriaeth yma.
- Bod y gwelliant yn ymwneud â pholisi caffael yn hytrach na'r gyfundrefn gyfreithiol, h.y. beth mae'r Cyngor yn ei brynu yn hytrach na sut mae'r Cyngor yn ei brynu.
- O bosib' bod hyn yn fater i'w godi yn y Pwyllgor Iaith o ran sut mae caffael yn adlewyrchu gofynion iaith, ayb.
- Nad oedd hyn yn cau'r drws o ran cynnal adolygiadau pellach yn y dyfodol.

Nododd y Prif Weithredwr fod rhwydd hynt i'r Pwyllgor Iaith edrych ar unrhyw bwnc, ond na fyddai hynny'n newid y penderfyniad.

Holwyd a allai'r swyddogion fod yn ffyddiog bod y polisi'n helpu i gadw'r budd yn lleol, ac ar ba lefel o dendr mae'n gorfod mynd allan ar Gwerthwch i Gymru? Mewn ymateb, nodwyd:-

- Mai hanfod y rheoliadau newydd yw tryloywder, a bellach bod rhaid hysbysebu gwybodaeth am dendrau islaw'r rhiniogau uchel oedd yn bodoli'n flaenorol.
- Bod y dull o fynd at i dendro wedyn yn fater o ddewisiadau, ond fframwaith gyfreithiol ydoedd, ac roedd yna lawer mwy o ofyn ar lefel llawer is o ran ymwybyddiaeth o dendrau a phrosesau caffael hefyd.

PENDERFYNWYD mabwysiadu'r Rheolau Gweithdrefn Contract newydd (Adran 17) a ddangosir yn Atodiad 1 i'r adroddiad a gyflwynwyd i'r Cyngor.

15. CALENDR PWYLLGORAU 2025-26

Cyflwynodd y Pennaeth Gwasanaethau Democratiaeth galendr ar gyfer dyddiadau cyfarfodydd y Cyngor ar gyfer 2025/26.

Ymhellach i gynnwys yr adroddiad, nodwyd yr ymgynghorwyd hefyd â'r Awdurdod Heddlu a'r Awdurdod Tân ac Achub ar fersiwn drafft y calendr pwyllgorau. Derbyniwyd ymateb gan Awdurdod yr Heddlu, ac roedd y swyddogion yn gweithio ar un dyddiad sy'n gwrthdaro. Ni dderbyniwyd ymateb gan yr Awdurdod Tân ac Achub, a byddai'r swyddogion yn mynd ar ôl hynny.

PENDERFYNWYD mabwysiadu'r Calendr Pwyllgorau ar gyfer 2025/26 yn Atodiad 1 i'r adroddiad a gyflwynwyd i'r Cyngor.

16. RHYBUDDION O GYNNIG

- (A) Cyflwynwyd y rhybudd o gynnig a ganlyn gan y Cynghorydd Elwyn Edwards o dan Adran 4.19 y Cyfansoddiad, ac fe'i eiliwyd:-

Mae Cyngor Gwynedd yn gofyn i'r Llywodraeth Lafur yn San Steffan drosglwyddo'r Awdurdodaeth Gyfiawnder i'r Senedd yng Nghaerdydd, ac yn gofyn i holl gynghorau Cymru am eu cefnogaeth.

Gosododd yr aelod y cyd-destun i'w gynnig, gan nodi:-

- Yn 2017, y sefydlodd y Blaid Lafur gomisiwn i edrych ar y posibilrwydd o drosglwyddo'r cyfrifoldeb am y Gwasanaeth Gyfiawnder yng Nghymru i Lywodraeth Cymru. Arweiniwyd y comisiwn gan yr Arglwydd Thomas o Gwmagedd, cyn brif swyddog dros Gyfiawnder yn Lloegr a Chymru, a'i argymhelliad cadarn i'r llywodraeth oedd bod 'gwir angen datganoli'r Gwasanaeth Gyfiawnder yng Nghymru i Gymru gan sefydlu awdurdodaeth Gymreig ar wahân.
- Bod gan yr Alban a Gogledd Iwerddon eu system Gyfiawnder eu hunain, ond bod Cymru ynghlwm wrth Lloegr, ac mai Cymru yw'r unig wlad yn y byd sydd â deddfwriaeth, ond heb awdurdod i weithredu hyn.
- Er bod yna alw cynyddol dros greu Awdurdodaeth Gymreig ar wahân ac i ddatganoli'r pwerau i Lywodraeth Cymru, ni fu unrhyw symudiad o du'r Llywodraethau Toriaidd na Llafur i wneud hyn.

Nododd y cynigydd ymhellach y dylai fod wedi cynnwys '*a gofyn hefyd i Lywodraeth Cymru am ei chefnogaeth*' fel rhan o'i gynnig.

Cynigiodd aelod arall welliant i'r perwyl hynny. Cydsyniodd y cynigydd a'r eilydd i'r addasiad ac ni fu gwrthwynebiad i hynny o'r llawr.

PENDERFYNWYD mabwysiadu'r cynnig wedi'i addasu, sef:-

Mae Cyngor Gwynedd yn gofyn i'r Llywodraeth Lafur yn San Steffan drosglwyddo'r Awdurdodaeth Gyfiawnder i'r Senedd yng Nghaerdydd, ac yn gofyn i Lywodraeth Cymru a holl gynghorau Cymru am eu cefnogaeth.

- (B) Cyflwynwyd y rhybudd o gynnig a ganlyn gan y Cynghorydd Elfed Wyn ap Elwyn o dan Adran 4.19 y Cyfansoddiad, ac fe'i eiliwyd:-

Mae'r Cyngor yn galw ar Lywodraeth San Steffan i ddatganoli grymoedd dros ddarlledu a'r cyfryngau i'r Senedd, ac i Lywodraeth Cymru fynd ymlaen gyda'r gwaith o baratoi a thrafod gyda San Steffan ar y ffordd orau i wireddu hyn.

Gosododd yr aelod y cyd-destun i'w gynnig, gan nodi:-

- Ei bod wedi dod yn amlwg dros y blynyddoedd diwethaf nad yw Cymru'n cael y darlun llawn pan mae'n dod i drafod y materion sy'n allweddol i ni fel Cenedl, a bod diffyg cael rheolaeth dros y cyfryngau wedi achosi penbleth i bobl y wlad wrth drafod protestiadau, argyfyngau a materion cyffredinol sy'n ein heffeithio ni fel pobl o ddydd i ddydd.

- Bod y cyfnod clo yn ystod Cofid yn enghraifft amlwg o hyn, pan fu'r cyfryngau yn rhannu newyddion nad oedd yn berthnasol i Gymru, gan greu dryswch o ran hawl pobl i groesi ffiniau.
- Y gwelwyd yr un hen stori hefyd wrth i faterion Cymreig gael eu trafod ar y newyddion cenedlaethol a'r papurau; materion sy'n cynnwys datganoli, protest y ffermwyr, y gofal iechyd cenedlaethol, a llu o faterion pwysig, oherwydd prin iawn ydi'r persbectif Cymreig a'r amser sy'n cael ei ddynodi i'r materion yma.
- Ei bod yn destun siom hefyd nad yw darlledu Cymraeg wedi cael yr un cyfle i dyfu â chyfryngau mewn gwledydd tebyg, megis Catalwnia a Gwlad y Basg, sydd ag amryw o sianeli yn eu hieithoedd eu hunain, yn ogystal â sianeli dwyieithog, a sianeli yn y Sbaeneg sydd â phersbectif Catalaneg / Basgeg.
- Heb drafodaeth lawn, glir, gyda phersbectif Cymreig ar y materion allweddol yma, ei bod yn mynd yn anodd deall beth yw'r camau nesaf i'w cymryd, a'n bod, felly, yn tueddu i droi mewn cylchoedd ar bynciau llosg heb wybod beth yw'r ffordd i'w datrys.
- Ei bod yn bwysig bod Llywodraeth San Steffan a Llywodraeth Cymru yn dechrau trafod ar unwaith sut mae modd datganoli darlledu a'r cyfryngau, drwy edrych ar y ffordd i'w ariannu a'i wneud yn gynaliadwy.

Mynegwyd cefnogaeth i'r cynnig gan aelodau eraill, a nodwyd:-

- Y sefydlwyd sianeli teledu / radio yng Ngwlad y Basg a Chatalwnia tua'r un adeg a phan sefydlwyd S4C a Radio Cymru yma yng Nghymru. O ran cyd-destun, roedd gan Wlad y Basg 1 sianel deledu ac 1 sianel radio ar y cychwyn, ond bellach roedd ganddynt 6 sianel deledu a 5 sianel radio. Ar y cychwyn roedd gan Gatalwnia 1 sianel deledu ac 1 sianel radio, ond bellach roedd ganddynt 6 sianel deledu a 3 sianel radio.
- Bod Bil Cyfryngau 2024 Llywodraeth y DU yn disodli'r angen i gynnig darpariaeth trwy gyfrwng y Gymraeg, ac er i Bwyllgor Diwylliant Senedd Cymru fynegi pryder clir ynglŷn â hynny, ni chafodd y cymal ei warchod. O ganlyniad, daeth dros 20 mlynedd o ddarlledu Cymraeg ar y sianeli masnachol, gan gynnwys Champion, Heart a Capital, i ben ar 24 Chwefror eleni, gan arwain at golli swyddi a chreu bwlch o ran ein diwylliant.
- Y clywyd yn y dyddiau diwethaf nad yw Radio Cymru na BBC Sounds yn mynd i allu darlledu i bobl y tu allan i'r DU oherwydd y newidiadau i ddarpariaeth BBC Sounds. Bydd hyn yn golled enfawr i ddysgwyr Cymraeg ar draws y byd ac i Gymry sy'n byw dramor.

PENDERFYNWYD mabwysiadu'r cynnig, sef:-

Mae'r Cyngor yn galw ar Lywodraeth San Steffan i ddatganoli grymoedd dros ddarlledu a'r cyfryngau i'r Senedd, ac i Lywodraeth Cymru fynd ymlaen gyda'r gwaith o baratoi a thrafod gyda San Steffan ar y ffordd orau i wireddu hyn.

17. YMATEBION / DIWEDDARIADAU I RYBUDDION O GYNNIG BLAENOROL

Cyflwynwyd – er gwybodaeth:-

- (1) Llythyr gan Lywodraeth y DU mewn ymateb i Rybudd o Gynnig y Cynghorydd Meryl Roberts i gyfarfod 3 Hydref, 2024 o'r Cyngor ynglŷn â Thaliadau Tanwydd Gaeaf.
- (2) E-bost gan Sian Gwenllian, AS, mewn ymateb i Rybudd o Gynnig y Cynghorydd Elin Walker Jones i gyfarfod 5 Rhagfyr, 2024 o'r Cyngor ynglŷn â sefydlu Ysgol Ddeintyddiaeth ym Mangor.
- (3) Llythyr gan Lywodraeth Cymru mewn ymateb i Rybudd o Gynnig y Cynghorydd Rhys Tudur i gyfarfod 5 Rhagfyr, 2024 o'r Cyngor ynglŷn â Threth Trafodion Tir.
- (4) Llythyr gan Lywodraeth Cymru mewn ymateb i Rybudd o Gynnig y Cynghorydd John Pughe Roberts i gyfarfod 5 Rhagfyr, 2024 o'r Cyngor ynglŷn â Rhyddhad Eiddo Amaethyddol.
- (5) Llythyr gan Lywodraeth Cymru mewn ymateb i Rybudd o Gynnig y Cynghorydd Delyth Lloyd Griffiths i gyfarfod 5 Rhagfyr, 2024 o'r Cyngor ynglŷn â chyfnwidiad tai cymdeithasol.

- (6) Llythyr gan Lywodraeth y DU mewn ymateb i Rybudd o Gynnig y Cynghorydd June Jones i gyfarfod 5 Rhagfyr, 2024 o'r Cyngor ynglŷn â thrwyddedau gyrru graddedig.

Nodwyd hefyd y derbyniwyd negeseuon o gefnogaeth gan Gyngor Tref Trefdraeth a Chyngor Cymuned Bethesda i Rybudd o Gynnig y Cynghorydd Elwyn Edwards i gyfarfod 3 Hydref, 2024 o'r Cyngor yn galw am ddynodi Dydd Gŵyl Dewi yn wyliau cenedlaethol swyddogol yng Nghymru.

Dechreuodd y cyfarfod am 1.30yp a daeth i ben am 4.35yp.

CADEIRYDD

Treth Cyngor: Cyngor Gwynedd + Cyngor Cymuned
Council Tax : Cyngor Gwynedd + Community Council

	Band A	Band B	Band C	Band D	Band E	Band F	Band G	Band H	Band I
Aberdaron	1,290.42	1,505.49	1,720.56	1,935.63	2,365.77	2,795.91	3,226.05	3,871.26	4,516.47
Aberdyfi	1,297.07	1,513.25	1,729.43	1,945.61	2,377.97	2,810.33	3,242.68	3,891.22	4,539.76
Abergwyngregyn	1,296.27	1,512.32	1,728.36	1,944.41	2,376.50	2,808.59	3,240.68	3,888.82	4,536.96
Abermaw (Barmouth)	1,306.77	1,524.57	1,742.36	1,960.16	2,395.75	2,831.34	3,266.93	3,920.32	4,573.71
Arthog	1,286.03	1,500.37	1,714.71	1,929.05	2,357.73	2,786.41	3,215.08	3,858.10	4,501.12
Y Bala	1,294.87	1,510.68	1,726.49	1,942.30	2,373.92	2,805.54	3,237.17	3,884.60	4,532.03
Bangor	1,366.10	1,593.78	1,821.47	2,049.15	2,504.52	2,959.88	3,415.25	4,098.30	4,781.35
Beddgelert	1,298.68	1,515.13	1,731.57	1,948.02	2,380.91	2,813.81	3,246.70	3,896.04	4,545.38
Betws Garmon	1,286.02	1,500.36	1,714.69	1,929.03	2,357.70	2,786.38	3,215.05	3,858.06	4,501.07
Bethesda	1,314.09	1,533.11	1,752.12	1,971.14	2,409.17	2,847.20	3,285.23	3,942.28	4,599.33
Bontnewydd	1,298.29	1,514.67	1,731.05	1,947.43	2,380.19	2,812.95	3,245.72	3,894.86	4,544.00
Botwnnog	1,280.61	1,494.05	1,707.48	1,920.92	2,347.79	2,774.66	3,201.53	3,841.84	4,482.15
Brithdir & Llanfachreth	1,288.53	1,503.28	1,718.04	1,932.79	2,362.30	2,791.81	3,221.32	3,865.58	4,509.84
Bryncrug	1,296.70	1,512.82	1,728.93	1,945.05	2,377.28	2,809.52	3,241.75	3,890.10	4,538.45
Buan	1,283.91	1,497.89	1,711.88	1,925.86	2,353.83	2,781.80	3,209.77	3,851.72	4,493.67
Caernarfon	1,348.63	1,573.40	1,798.17	2,022.94	2,472.48	2,922.02	3,371.57	4,045.88	4,720.19
Clynnog Fawr	1,319.29	1,539.18	1,759.06	1,978.94	2,418.70	2,858.47	3,298.23	3,957.88	4,617.53
Corris	1,311.29	1,529.83	1,748.38	1,966.93	2,404.03	2,841.12	3,278.22	3,933.86	4,589.50
Criccieth	1,310.99	1,529.49	1,747.99	1,966.49	2,403.49	2,840.49	3,277.48	3,932.98	4,588.48
Dolbenmaen	1,290.04	1,505.05	1,720.05	1,935.06	2,365.07	2,795.09	3,225.10	3,870.12	4,515.14
Dolgellau	1,310.69	1,529.14	1,747.59	1,966.04	2,402.94	2,839.84	3,276.73	3,932.08	4,587.43
Dyffryn Ardudwy	1,313.61	1,532.55	1,751.48	1,970.42	2,408.29	2,846.16	3,284.03	3,940.84	4,597.65
Y Felinheli	1,300.85	1,517.65	1,734.46	1,951.27	2,384.89	2,818.50	3,252.12	3,902.54	4,552.96
Ffestiniog	1,362.13	1,589.15	1,816.17	2,043.19	2,497.23	2,951.27	3,405.32	4,086.38	4,767.44
Y Ganllwyd	1,296.28	1,512.33	1,728.37	1,944.42	2,376.51	2,808.61	3,240.70	3,888.84	4,536.98
Harlech	1,336.73	1,559.52	1,782.31	2,005.10	2,450.68	2,896.26	3,341.83	4,010.20	4,678.57
Trefor & Llanaelhaearn	1,306.69	1,524.48	1,742.26	1,960.04	2,395.60	2,831.17	3,266.73	3,920.08	4,573.43
Llanbedr	1,325.38	1,546.28	1,767.17	1,988.07	2,429.86	2,871.66	3,313.45	3,976.14	4,638.83
Llanbedrog	1,294.33	1,510.05	1,725.77	1,941.49	2,372.93	2,804.37	3,235.82	3,882.98	4,530.14
Llanberis	1,305.38	1,522.94	1,740.51	1,958.07	2,393.20	2,828.32	3,263.45	3,916.14	4,568.83
Llandwrog	1,322.49	1,542.90	1,763.32	1,983.73	2,424.56	2,865.39	3,306.22	3,967.46	4,628.70
Llandygai	1,296.64	1,512.75	1,728.85	1,944.96	2,377.17	2,809.39	3,241.60	3,889.92	4,538.24
Llanddeiniolen	1,282.51	1,496.26	1,710.01	1,923.76	2,351.26	2,778.76	3,206.27	3,847.52	4,488.77
Llandderfel	1,290.57	1,505.66	1,720.76	1,935.85	2,366.04	2,796.23	3,226.42	3,871.70	4,516.98
Llanegryn	1,301.60	1,518.53	1,735.47	1,952.40	2,386.27	2,820.13	3,254.00	3,904.80	4,555.60
Llanelltyd	1,297.45	1,513.70	1,729.94	1,946.18	2,378.66	2,811.15	3,243.63	3,892.36	4,541.09
Llanengan	1,287.41	1,501.97	1,716.54	1,931.11	2,360.25	2,789.38	3,218.52	3,862.22	4,505.92
Llanfair	1,304.75	1,522.20	1,739.66	1,957.12	2,392.04	2,826.95	3,261.87	3,914.24	4,566.61
Llanfihangel y Pennant	1,305.03	1,522.53	1,740.04	1,957.54	2,392.55	2,827.56	3,262.57	3,915.08	4,567.59
Llanfrothen	1,307.61	1,525.55	1,743.48	1,961.42	2,397.29	2,833.16	3,269.03	3,922.84	4,576.65
Llangelynnin	1,291.47	1,506.71	1,721.96	1,937.20	2,367.69	2,798.18	3,228.67	3,874.40	4,520.13
Llangywer	1,292.60	1,508.03	1,723.47	1,938.90	2,369.77	2,800.63	3,231.50	3,877.80	4,524.10
Llanllechid	1,302.55	1,519.64	1,736.73	1,953.82	2,388.00	2,822.18	3,256.37	3,907.64	4,558.91
Llanllfni	1,295.67	1,511.62	1,727.56	1,943.51	2,375.40	2,807.29	3,239.18	3,887.02	4,534.86
Llannor	1,286.37	1,500.77	1,715.16	1,929.56	2,358.35	2,787.14	3,215.93	3,859.12	4,502.31
Llanrug	1,329.42	1,550.99	1,772.56	1,994.13	2,437.27	2,880.41	3,323.55	3,988.26	4,652.97
Llanuwchllyn	1,305.13	1,522.65	1,740.17	1,957.69	2,392.73	2,827.77	3,262.82	3,915.38	4,567.94
Llanwnda	1,297.40	1,513.63	1,729.87	1,946.10	2,378.57	2,811.03	3,243.50	3,892.20	4,540.90
Llanycil	1,286.47	1,500.89	1,715.30	1,929.71	2,358.53	2,787.36	3,216.18	3,859.42	4,502.66
Llanystumdwy	1,286.24	1,500.61	1,714.99	1,929.36	2,358.11	2,786.85	3,215.60	3,858.72	4,501.84
Maentwrog	1,285.99	1,500.33	1,714.66	1,928.99	2,357.65	2,786.32	3,214.98	3,857.98	4,500.98
Mawddwy	1,294.74	1,510.53	1,726.32	1,942.11	2,373.69	2,805.27	3,236.85	3,884.22	4,531.59
Nefyn	1,309.00	1,527.17	1,745.33	1,963.50	2,399.83	2,836.17	3,272.50	3,927.00	4,581.50
Pennal	1,321.97	1,542.29	1,762.62	1,982.95	2,423.61	2,864.26	3,304.92	3,965.90	4,626.88
Penrhyndeudraeth	1,352.43	1,577.84	1,803.24	2,028.65	2,479.46	2,930.27	3,381.08	4,057.30	4,733.52
Pentir	1,299.64	1,516.25	1,732.85	1,949.46	2,382.67	2,815.89	3,249.10	3,898.92	4,548.74
Pistyll	1,298.46	1,514.87	1,731.28	1,947.69	2,380.51	2,813.33	3,246.15	3,895.38	4,544.61
Porthmadog	1,292.97	1,508.47	1,723.96	1,939.46	2,370.45	2,801.44	3,232.43	3,878.92	4,525.41
Pwllheli	1,318.09	1,537.78	1,757.46	1,977.14	2,416.50	2,855.87	3,295.23	3,954.28	4,613.33
Talsarnau	1,333.69	1,555.97	1,778.25	2,000.53	2,445.09	2,889.65	3,334.22	4,001.06	4,667.90
Trawsfynydd	1,296.87	1,513.01	1,729.16	1,945.30	2,377.59	2,809.88	3,242.17	3,890.60	4,539.03
Tudweiliog	1,284.47	1,498.55	1,712.63	1,926.71	2,354.87	2,783.03	3,211.18	3,853.42	4,495.66
Tywyn	1,311.05	1,529.55	1,748.06	1,966.57	2,403.59	2,840.60	3,277.62	3,933.14	4,588.66
Waunfawr	1,285.10	1,499.28	1,713.47	1,927.65	2,356.02	2,784.38	3,212.75	3,855.30	4,497.85

Treth Cyngor: Cyngor Gwynedd + Cyngor Cymuned + Comisiynydd Heddlu a Throsedd Gogledd Cymru
Council Tax : Cyngor Gwynedd + Community Council + North Wales Police and Crime Commissioner

	Band A	Band B	Band C	Band D	Band E	Band F	Band G	Band H	Band I
Aberdaron	1,538.52	1,794.94	2,051.36	2,307.78	2,820.62	3,333.46	3,846.30	4,615.56	5,384.82
Aberdyfi	1,545.17	1,802.70	2,060.23	2,317.76	2,832.82	3,347.88	3,862.93	4,635.52	5,408.11
Abergwyngregyn	1,544.37	1,801.77	2,059.16	2,316.56	2,831.35	3,346.14	3,860.93	4,633.12	5,405.31
Abermaw (Barmouth)	1,554.87	1,814.02	2,073.16	2,332.31	2,850.60	3,368.89	3,887.18	4,664.62	5,442.06
Arthog	1,534.13	1,789.82	2,045.51	2,301.20	2,812.58	3,323.96	3,835.33	4,602.40	5,369.47
Bala	1,542.97	1,800.13	2,057.29	2,314.45	2,828.77	3,343.09	3,857.42	4,628.90	5,400.38
Bangor	1,614.20	1,883.23	2,152.27	2,421.30	2,959.37	3,497.43	4,035.50	4,842.60	5,649.70
Beddgelert	1,546.78	1,804.58	2,062.37	2,320.17	2,835.76	3,351.36	3,866.95	4,640.34	5,413.73
Betws Garmon	1,534.12	1,789.81	2,045.49	2,301.18	2,812.55	3,323.93	3,835.30	4,602.36	5,369.42
Bethesda	1,562.19	1,822.56	2,082.92	2,343.29	2,864.02	3,384.75	3,905.48	4,686.58	5,467.68
Bontnewydd	1,546.39	1,804.12	2,061.85	2,319.58	2,835.04	3,350.50	3,865.97	4,639.16	5,412.35
Botwnnog	1,528.71	1,783.50	2,038.28	2,293.07	2,802.64	3,312.21	3,821.78	4,586.14	5,350.50
Brithdir & Llanfachreth	1,536.63	1,792.73	2,048.84	2,304.94	2,817.15	3,329.36	3,841.57	4,609.88	5,378.19
Bryncrug	1,544.80	1,802.27	2,059.73	2,317.20	2,832.13	3,347.07	3,862.00	4,634.40	5,406.80
Buan	1,532.01	1,787.34	2,042.68	2,298.01	2,808.68	3,319.35	3,830.02	4,596.02	5,362.02
Caernarfon	1,596.73	1,862.85	2,128.97	2,395.09	2,927.33	3,459.57	3,991.82	4,790.18	5,588.54
Clynnog Fawr	1,567.39	1,828.63	2,089.86	2,351.09	2,873.55	3,396.02	3,918.48	4,702.18	5,485.88
Corris	1,559.39	1,819.28	2,079.18	2,339.08	2,858.88	3,378.67	3,898.47	4,678.16	5,457.85
Criccieth	1,559.09	1,818.94	2,078.79	2,338.64	2,858.34	3,378.04	3,897.73	4,677.28	5,456.83
Dolbenmaen	1,538.14	1,794.50	2,050.85	2,307.21	2,819.92	3,332.64	3,845.35	4,614.42	5,383.49
Dolgellau	1,558.79	1,818.59	2,078.39	2,338.19	2,857.79	3,377.39	3,896.98	4,676.38	5,455.78
Dyffryn Ardudwy	1,561.71	1,822.00	2,082.28	2,342.57	2,863.14	3,383.71	3,904.28	4,685.14	5,466.00
Y Felinheli	1,548.95	1,807.10	2,065.26	2,323.42	2,839.74	3,356.05	3,872.37	4,646.84	5,421.31
Ffestiniog	1,610.23	1,878.60	2,146.97	2,415.34	2,952.08	3,488.82	4,025.57	4,830.68	5,635.79
Y Ganllwyd	1,544.38	1,801.78	2,059.17	2,316.57	2,831.36	3,346.16	3,860.95	4,633.14	5,405.33
Harlech	1,584.83	1,848.97	2,113.11	2,377.25	2,905.53	3,433.81	3,962.08	4,754.50	5,546.92
Trefor & Llanaelhaearn	1,554.79	1,813.93	2,073.06	2,332.19	2,850.45	3,368.72	3,886.98	4,664.38	5,441.78
Llanbedr	1,573.48	1,835.73	2,097.97	2,360.22	2,884.71	3,409.21	3,933.70	4,720.44	5,507.18
Llanbedrog	1,542.43	1,799.50	2,056.57	2,313.64	2,827.78	3,341.92	3,856.07	4,627.28	5,398.49
Llanberis	1,553.48	1,812.39	2,071.31	2,330.22	2,848.05	3,365.87	3,883.70	4,660.44	5,437.18
Llandwrog	1,570.59	1,832.35	2,094.12	2,355.88	2,879.41	3,402.94	3,926.47	4,711.76	5,497.05
Llandygai	1,544.74	1,802.20	2,059.65	2,317.11	2,832.02	3,346.94	3,861.85	4,634.22	5,406.59
Llanddiniolen	1,530.61	1,785.71	2,040.81	2,295.91	2,806.11	3,316.31	3,826.52	4,591.82	5,357.12
Llandderfel	1,538.67	1,795.11	2,051.56	2,308.00	2,820.89	3,333.78	3,846.67	4,616.00	5,385.33
Llanegryn	1,549.70	1,807.98	2,066.27	2,324.55	2,841.12	3,357.68	3,874.25	4,649.10	5,423.95
Llanelltyd	1,545.55	1,803.15	2,060.74	2,318.33	2,833.51	3,348.70	3,863.88	4,636.66	5,409.44
Llanengan	1,535.51	1,791.42	2,047.34	2,303.26	2,815.10	3,326.93	3,838.77	4,606.52	5,374.27
Llanfair	1,552.85	1,811.65	2,070.46	2,329.27	2,846.89	3,364.50	3,882.12	4,658.54	5,434.96
Llanfihangel y Pennant	1,553.13	1,811.98	2,070.84	2,329.69	2,847.40	3,365.11	3,882.82	4,659.38	5,435.94
Llanfrothen	1,555.71	1,815.00	2,074.28	2,333.57	2,852.14	3,370.71	3,889.28	4,667.14	5,445.00
Llanglwynnin	1,539.57	1,796.16	2,052.76	2,309.35	2,822.54	3,335.73	3,848.92	4,618.70	5,388.48
Llangywer	1,540.70	1,797.48	2,054.27	2,311.05	2,824.62	3,338.18	3,851.75	4,622.10	5,392.45
Llanllechid	1,550.65	1,809.09	2,067.53	2,325.97	2,842.85	3,359.73	3,876.62	4,651.94	5,427.26
Llanllyfni	1,543.77	1,801.07	2,058.36	2,315.66	2,830.25	3,344.84	3,859.43	4,631.32	5,403.21
Llannor	1,534.47	1,790.22	2,045.96	2,301.71	2,813.20	3,324.69	3,836.18	4,603.42	5,370.66
Llanrug	1,577.52	1,840.44	2,103.36	2,366.28	2,892.12	3,417.96	3,943.80	4,732.56	5,521.32
Llanuwchllyn	1,553.23	1,812.10	2,070.97	2,329.84	2,847.58	3,365.32	3,883.07	4,659.68	5,436.29
Llanwnda	1,545.50	1,803.08	2,060.67	2,318.25	2,833.42	3,348.58	3,863.75	4,636.50	5,409.25
Llanycil	1,534.57	1,790.34	2,046.10	2,301.86	2,813.38	3,324.91	3,836.43	4,603.72	5,371.01
Llanystumdwy	1,534.34	1,790.06	2,045.79	2,301.51	2,812.96	3,324.40	3,835.85	4,603.02	5,370.19
Maentwrog	1,534.09	1,789.78	2,045.46	2,301.14	2,812.50	3,323.87	3,835.23	4,602.28	5,369.33
Mawddwy	1,542.84	1,799.98	2,057.12	2,314.26	2,828.54	3,342.82	3,857.10	4,628.52	5,399.94
Nefyn	1,557.10	1,816.62	2,076.13	2,335.65	2,854.68	3,373.72	3,892.75	4,671.30	5,449.85
Pennal	1,570.07	1,831.74	2,093.42	2,355.10	2,878.46	3,401.81	3,925.17	4,710.20	5,495.23
Penrhyndeudraeth	1,600.53	1,867.29	2,134.04	2,400.80	2,934.31	3,467.82	4,001.33	4,801.60	5,601.87
Pentir	1,547.74	1,805.70	2,063.65	2,321.61	2,837.52	3,353.44	3,869.35	4,643.22	5,417.09
Pistyll	1,546.56	1,804.32	2,062.08	2,319.84	2,835.36	3,350.88	3,866.40	4,639.68	5,412.96
Porthmadog	1,541.07	1,797.92	2,054.76	2,311.61	2,825.30	3,338.99	3,852.68	4,623.22	5,393.76
Pwllheli	1,566.19	1,827.23	2,088.26	2,349.29	2,871.35	3,393.42	3,915.48	4,698.58	5,481.68
Talsarnau	1,581.79	1,845.42	2,109.05	2,372.68	2,899.94	3,427.20	3,954.47	4,745.36	5,536.25
Trawsfynydd	1,544.97	1,802.46	2,059.96	2,317.45	2,832.44	3,347.43	3,862.42	4,634.90	5,407.38
Tudweiliog	1,532.57	1,788.00	2,043.43	2,298.86	2,809.72	3,320.58	3,831.43	4,597.72	5,364.01
Tywyn	1,559.15	1,819.00	2,078.86	2,338.72	2,858.44	3,378.15	3,897.87	4,677.44	5,457.01
Waunfawr	1,533.20	1,788.73	2,044.27	2,299.80	2,810.87	3,321.93	3,833.00	4,599.60	5,366.20

Cynnydd yn y Dreth Cyngor fesul Cymuned / Increase in Council Tax by Community

Cymuned/ Community	Sylfaen Drethiannol / Taxbase (Band D)	Praesept / Precept £	Treth Cymuned / Community Tax	Treth Gwynedd / Gwynedd Tax	Treth Heddlu / Police Tax	Cyfanswm / Total (Band D) 2025/26	Band D 2024/25 £	Cynnydd / Increase 24/25 - 25/26	Cynnydd / Increase %
Aberdaron	621.88	17,500	28.14	1,907.49	372.15	2,307.78	2,132.26	175.52	8.2%
Aberdyfi	1,194.77	45,546	38.12	1,907.49	372.15	2,317.76	2,141.97	175.79	8.2%
Abergwyngregyn	121.90	4,500	36.92	1,907.49	372.15	2,316.56	2,136.55	180.01	8.4%
Abermaw (Barmouth)	1,317.52	69,400	52.67	1,907.49	372.15	2,332.31	2,156.82	175.49	8.1%
Arthog	695.76	15,000	21.56	1,907.49	372.15	2,301.20	2,125.52	175.68	8.3%
Y Bala	818.83	28,500	34.81	1,907.49	372.15	2,314.45	2,138.63	175.82	8.2%
Bangor	4,244.36	601,240	141.66	1,907.49	372.15	2,421.30	2,238.78	182.52	8.2%
Beddgelert	350.40	14,200	40.53	1,907.49	372.15	2,320.17	2,141.63	178.54	8.3%
Betws Garmon	146.24	3,150	21.54	1,907.49	372.15	2,301.18	2,125.65	175.53	8.3%
Bethesda	1,765.16	112,361	63.65	1,907.49	372.15	2,343.29	2,165.56	177.73	8.2%
Bontnewydd	463.21	18,500	39.94	1,907.49	372.15	2,319.58	2,144.42	175.16	8.2%
Botwnnog	484.06	6,500	13.43	1,907.49	372.15	2,293.07	2,118.93	174.14	8.2%
Brithdir & Llanfachreth	474.36	12,000	25.30	1,907.49	372.15	2,304.94	2,130.61	174.33	8.2%
Bryncrug	355.42	13,350	37.56	1,907.49	372.15	2,317.20	2,143.40	173.80	8.1%
Buan	244.98	4,500	18.37	1,907.49	372.15	2,298.01	2,123.91	174.10	8.2%
Caernarfon	3,721.81	429,665	115.45	1,907.49	372.15	2,395.09	2,213.00	182.09	8.2%
Clynnog Fawr	489.83	35,000	71.45	1,907.49	372.15	2,351.09	2,166.41	184.68	8.5%
Corris	319.67	19,000	59.44	1,907.49	372.15	2,339.08	2,142.23	196.85	9.2%
Criccieth	1,016.89	60,000	59.00	1,907.49	372.15	2,338.64	2,154.89	183.75	8.5%
Dolbenmaen	652.91	18,000	27.57	1,907.49	372.15	2,307.21	2,132.56	174.65	8.2%
Dolgellau	1,315.09	77,000	58.55	1,907.49	372.15	2,338.19	2,165.06	173.13	8.0%
Dyffryn Ardudwy	873.94	55,000	62.93	1,907.49	372.15	2,342.57	2,163.18	179.39	8.3%
Y Felinheli	1,202.04	52,624	43.78	1,907.49	372.15	2,323.42	2,147.54	175.88	8.2%
Ffestiniog	1,842.24	250,000	135.70	1,907.49	372.15	2,415.34	2,231.73	183.61	8.2%
Y Ganllwyd	88.00	3,250	36.93	1,907.49	372.15	2,316.57	2,140.88	175.69	8.2%
Harlech	870.85	85,000	97.61	1,907.49	372.15	2,377.25	2,187.25	190.00	8.7%
Trefor & Llanaelhaearn	475.75	25,000	52.55	1,907.49	372.15	2,332.19	2,156.92	175.27	8.1%
Llanbedr	359.87	29,000	80.58	1,907.49	372.15	2,360.22	2,161.29	198.93	9.2%
Llanbedrog	882.45	30,000	34.00	1,907.49	372.15	2,313.64	2,134.34	179.30	8.4%
Llanberis	814.21	41,184	50.58	1,907.49	372.15	2,330.22	2,154.78	175.44	8.1%
Llandwrog	1,083.91	82,640	76.24	1,907.49	372.15	2,355.88	2,178.79	177.09	8.1%
Llandygai	1,038.17	38,900	37.47	1,907.49	372.15	2,317.11	2,142.69	174.42	8.1%
Llanddeiniolen	1,904.89	31,000	16.27	1,907.49	372.15	2,295.91	2,121.61	174.30	8.2%
Llandderfel	528.88	15,000	28.36	1,907.49	372.15	2,308.00	2,130.43	177.57	8.3%
Llanegryn	174.80	7,850	44.91	1,907.49	372.15	2,324.55	2,147.10	177.45	8.3%
Llanelltyd	310.17	12,000	38.69	1,907.49	372.15	2,318.33	2,136.75	181.58	8.5%
Llanengan	2,751.39	65,000	23.62	1,907.49	372.15	2,303.26	2,128.09	175.17	8.2%
Llanfair	362.68	18,000	49.63	1,907.49	372.15	2,329.27	2,154.43	174.84	8.1%
Llanfihangel y Pennant	251.76	12,600	50.05	1,907.49	372.15	2,329.69	2,152.88	176.81	8.2%
Llanfrothen	237.36	12,800	53.93	1,907.49	372.15	2,333.57	2,152.79	180.78	8.4%
Llangelynnin	484.85	14,405	29.71	1,907.49	372.15	2,309.35	2,133.15	176.20	8.3%
Llangywer	159.19	5,000	31.41	1,907.49	372.15	2,311.05	2,135.65	175.40	8.2%
Llanllechid	371.67	17,219	46.33	1,907.49	372.15	2,325.97	2,151.18	174.79	8.1%
Llanllyfni	1,471.45	53,000	36.02	1,907.49	372.15	2,315.66	2,138.77	176.89	8.3%
Llanor	951.51	21,000	22.07	1,907.49	372.15	2,301.71	2,127.14	174.57	8.2%
Llanrug	1,154.25	100,000	86.64	1,907.49	372.15	2,366.28	2,179.11	187.17	8.6%
Llanuwchllyn	334.68	16,800	50.20	1,907.49	372.15	2,329.84	2,152.88	176.96	8.2%
Llanwnda	857.37	33,100	38.61	1,907.49	372.15	2,318.25	2,142.24	176.01	8.2%
Llanycil	213.75	4,750	22.22	1,907.49	372.15	2,301.86	2,126.37	175.49	8.3%
Llanystumdwy	937.44	20,500	21.87	1,907.49	372.15	2,301.51	2,126.64	174.87	8.2%
Maentwrog	319.62	6,872	21.50	1,907.49	372.15	2,301.14	2,125.06	176.08	8.3%
Mawddwy	378.38	13,100	34.62	1,907.49	372.15	2,314.26	2,138.80	175.46	8.2%
Nefyn	1,696.20	95,000	56.01	1,907.49	372.15	2,335.65	2,159.46	176.19	8.2%
Pennal	238.53	18,000	75.46	1,907.49	372.15	2,355.10	2,180.62	174.48	8.0%
Penrhyndeudraeth	838.59	101,606	121.16	1,907.49	372.15	2,400.80	2,144.42	256.38	12.0%
Pentir	1,310.58	55,000	41.97	1,907.49	372.15	2,321.61	2,147.43	174.18	8.1%
Pistyll	298.51	12,000	40.20	1,907.49	372.15	2,319.84	2,144.27	175.57	8.2%
Porthmadog	2,304.34	73,658	31.97	1,907.49	372.15	2,311.61	2,134.63	176.98	8.3%
Pwllheli	1,866.35	130,000	69.65	1,907.49	372.15	2,349.29	2,162.36	186.93	8.6%
Talsarnau	365.44	34,000	93.04	1,907.49	372.15	2,372.68	2,165.50	207.18	9.6%
Trawsfynydd	528.93	20,000	37.81	1,907.49	372.15	2,317.45	2,143.79	173.66	8.1%
Tudweiliog	520.39	10,000	19.22	1,907.49	372.15	2,298.86	2,124.62	174.24	8.2%
Tywyn	1,776.31	104,951	59.08	1,907.49	372.15	2,338.72	2,162.38	176.34	8.2%
Waunfawr	595.31	12,000	20.16	1,907.49	372.15	2,299.80	2,125.88	173.92	8.2%
Awdurdod			2025/26	2024/25		Authority			
Cyngor Gwynedd			1,907.49	1,755.47	8.66%	Gwynedd Council			
Comisiynydd Heddlu a Throsedd Gogledd Cymru			372.15	349.65	6.44%	North Wales Police & Crime Commissioner			
Cynghorau Cymuned (Cyfartaledd)			60.58	55.53	9.09%	Community Councils (Average)			
Cyfanswm			2,340.22	2,160.65	8.3%	Total			

CYNGOR GWYNEDD



Adroddiad i gyfarfod o Gyngor Gwynedd

Dyddiad y Cyfarfod: 1 Mai 2025

Teitl yr Eitem: Adolygiad blynyddol o gydbwysedd gwleidyddol y Cyngor

Swyddog Cyswllt: Ian Jones,
Pennaeth Gwasanaethau Democratiaeth

1. Y PENDERFYNIAD A GEISIR

Gofynnir i'r Cyngor:

- fabwysiadu'r rhestr o bwyllgorau ac is-bwyllgorau i'w sefydlu ar gyfer y flwyddyn fwrdeistrefol fel a nodir yn **Atodiad A**, ynghyd â mabwysiadu'r dyraniad seddau a'r uwch gyflogau a nodir yn yr atodiad.
- ddirprwyo'r hawl i'r Pennaeth Gwasanaethau Democratiaeth wneud penodiadau i'r pwyllgorau ar sail cydbwysedd gwleidyddol ac yn unol â dymuniadau'r grwpiau gwleidyddol
- mabwysiadu cadeiryddiaethau'r pwyllgorau craffu ar sail cydbwysedd gwleidyddol, fel a ganlyn:

Pwyllgor Craffu Addysg ac Economi	Grŵp Plaid Cymru
Pwyllgor Craffu Cymunedau	Grŵp Plaid Cymru
Pwyllgor Craffu Gofal	Grŵp Annibynnol
- mabwysiadu'r dyraniad seddau ar gyfer Cyd-bwyllgor Trosolwg a Chraffu Cyd-bwyllgor Corfforedig y Gogledd am dymor y Cyngor hwn oni bai fod newid sylweddol yn y cydbwysedd gwleidyddol – mae 1 sedd i Grŵp Plaid Cymru ac 1 sedd i'r Grŵp Annibynnol.

2. CEFNDIR A RHESYMEG

2.1. CYFLWYNIAD

- 2.1.1 Yn unol â gofynion statudol, mae'n ofynol cynnal adolygiad blynyddol o gydbwysedd y Cyngor, a gwneir hyn yn y cyfarfod blynyddol.
- 2.1.2 Adroddwyd yng nghyfarfod blynyddol y Cyngor llawn ar **y 9fed o Fai, 2024** fod cyfansoddiad gwleidyddol y Cyngor fel a ganlyn:-

<u>Grŵp</u>	<u>Nifer</u>
Plaid Cymru	46
Annibynnol	21
Llafur Rhyddfrydol	2

2.1.3 Ers hynny, mae newidiadau wedi bod fel a ganlyn:

- Etholwyd y Cynghorydd Gwilym Evans, Grŵp Plaid Cymru i Ward Llanberis ym mis Hydref 2024 yn sgil ymddiswyddiad Cynghorydd Kim Jones, grŵp Plaid Cymru. Nid oedd unrhyw effaith ar y cydbwysedd gwleidyddol.
- Bu i'r Cynghorydd Linda Ann Jones, Ward Teigl, Grŵp Plaid Cymru, gamu nol o'i rôl fel Cynghorydd ym mis Chwefror 2025
- Cynhaliwyd is-etholiad yn Ward Teigl ar y 10fed o Ebrill 2025
- Etholwyd y Cynghorydd Geraint Parry i Ward Teigl, sydd wedi ymuno â grŵp Plaid Cymru.

2.1.4 Bellach, mae cyfansoddiad gwleidyddol y Cyngor fel a ganlyn:

<u>Grŵp</u>	<u>Nifer</u>
Plaid Cymru	46
Annibynnol	21
Llafur Rhyddfrydol	2

Cyfanswm

69

2.2 DYRANIAD Y SEDDAU AR BWYLLGORAU

2.2.1 I atgoffa'r aelodau, nodir yma'r pedair prif reol yn Neddf Llywodraeth Leol a Thai 1989 ynglŷn â dyrannu seddau:-

- Ni chaiff pob sedd ar bwyllgor ei dyrannu i'r un grŵp gwleidyddol;
- Rhaid dyrannu mwyafrif y seddau ar bwyllgor i grŵp gwleidyddol os yw nifer y personau sy'n perthyn i'r grŵp yn fwyaftrif o aelodau'r Cyngor;
- Yn amodol ar baragraffau (a) a (b) uchod, bydd nifer y seddau ar y pwyllgorau cyffredin a ddyrennir i bob grŵp gwleidyddol yr un fath â'r nifer o'r holl seddau sydd gan aelodau'r grŵp hwnnw ar y Cyngor;
- Yn amodol ar (a),(b) ac (c) uchod, bydd nifer y seddau ar bwyllgor a ddyrennir i bob grŵp gwleidyddol yr un gyfran o'r seddau ar y pwyllgor â'r nifer o seddau sydd gan aelodau'r grŵp hwnnw ar y Cyngor.

2.2.2 Er mwyn sicrhau y glynir wrth y rheolau hyn, mae'r Cyngor wedi bod yn ymdrin â phwyllgorau mewn blociau gwahanol yn y gorffennol. Mae hyn yn ei gwneud yn haws i sicrhau y glynir wrth reol (c) ym mharagraff 2.2.1 uchod hefyd.

2.2.3 Mewn geiriau syml, dilynir fformiwla "nifer aelodau'r grŵp / nifer aelodau'r Cyngor x nifer seddau ar y pwyllgor" fel man cychwyn, gan addasu i sedd lawn a gwneud hynny fesul pwyllgor a fesul 'bloc' o bwyllgorau i adnabod y ffit gorau o'r cydbwysedd gwleidyddol ar draws yr holl bwyllgorau.

2.3 NEWIDIADAU I DDYRANIAD Y SEDDAU AR BWYLLGORAU

2.3.1 Mae'r tabl yn **Atodiad A** yn cadarnhau pa bwyllgorau sydd i'w sefydlu ar gyfer y flwyddyn fwrdeistrefol. Nid oes unrhyw newid i'r dyraniad i seddau ar bwyllgorau ers cyfarfod 9fed o Fai, 2024.

2.3.2 Gofynnir i'r Cyngor fabwysiadu'r dyraniad seddau yn unol â'r cydbwysedd gwleidyddol fel a nodir yn **Atodiad A**.

2.4 CADEIRYDDIAETHAU AC IS-GADEIRYDDIAETHAU

2.4.1 Er mwyn ymateb i ofynion Mesur Llywodraeth Leol (2011) o ran dyrannu'r cadeiryddiaethau ac is-gadeiryddiaethau, rhennir y pwyllgorau i flociau ar wahân.

2.4.2 Yn unol â gofynion adrannau 66-75 Mesur Llywodraeth Leol (Cymru) 2011, mae'n ofynnol dyrannu cadeiryddiaethau'r pwyllgorau craffu er mwyn sicrhau, cyn belled ag y bo modd, fod cydbwysedd gwleidyddol yn cael ei adlewyrchu yn y cadeiryddiaethau hynny, a bod y grwpiau nad ydynt yn cael eu cynrychioli ar y weithrediaeth yn cael cyfran deg o'r cadeiryddiaethau.

2.4.3 Mewn geiriau syml, mae rheoliadau yn golygu fod y fformiwla cyfrifo ychydig yn wahanol ar gyfer Cadeiryddiaethau Craffu. Dilynir fformiwla "nifer aelodau'r grŵp / nifer aelodau'r Cyngor x nifer cadeiryddiaethau pwyllgorau craffu" fel man cychwyn. Fodd bynnag, mae'r rheoliadau'n nodi fod rhaid 'rowndio i lawr' ar gyfer y grŵp sydd yn y weithrediaeth. Yn yr achos yma, gan fod gan grŵp Plaid Cymru 46 aelod, mae'n golygu fod ganddynt ddwy gadair ($46/69 \times 3 = 2$).

2.4.4 Yr unig bwyllgorau y mae eu cadeiryddiaethau i'w dyrannu ar sail cydbwysedd gwleidyddol yw'r Pwyllgorau Craffu. Mae'r adolygiad blynyddol yn nodi fod **Cadeiryddiaeth dau o'r pwyllgorau craffu i'w dynodi i Grŵp Plaid Cymru a Chadeiryddiaeth un pwyllgor craffu i'w dynodi i'r Grŵp Annibynnol.**

2.4.5 Yn unol â barn Grŵp Busnes y Cyngor, argymhellir y dylid dyrannu'r cadeiryddiaethau fel a ganlyn

Pwyllgor Craffu Addysg ac Economi
Pwyllgor Craffu Cymunedau
Pwyllgor Craffu Gofal

Grŵp Plaid Cymru
Grŵp Plaid Cymru
Grŵp Annibynnol

2.4.6 Nid oes unrhyw ddarpariaeth statudol na chyfansoddiadol yn rheoli'r penodiadau i'r is-gadeiryddiaethau nac i gadeiryddiaethau gweddill y pwyllgorau heblaw

- na chaiff aelod o'r weithrediaeth gadeirio'r Pwyllgor Trwyddedu na'r Pwyllgor Gwasanaethau Democratiaeth).
- Fod Cadeiryddiaeth Pwyllgor Llywodraethu ac Archwilio i fynd i Aelod Lleyg o'r pwyllgor.

2.4.7 Y pwyllgorau eu hunain fydd yn ethol eu cadeirydd yn yr achosion hyn yn amodol ar y rheolau gweithdrefn sy'n cyfyngu tymor Cadeirydd i 2 flynedd.

2.5 CYD-BWYLLGOR TROSOLWG A CHRAFFU CYD-BWYLLGOR CORFFOREDIG Y GOGLEDD

- 2.5.1 Penderfynodd y Cyngor Llawn ar 6ed o Fawrth i sefydlu Cyd-bwyllgor Trosolwg a Chraffu Cyd-bwyllgor Corfforedig y Gogledd. Rydym yn parhau i ddisgwyl penderfyniad un awdurdod, fodd bynnag, er mwyn hwyluso'r broses i'r dyfodol mae'n synhwyrol mabwysiadu'r dyraniad seddi fel rhan o'r adroddiad blynyddol.
- 2.5.2 Mae'r rheoliadau yn nodi fod *"Rhaid i bob awdurdod penodi sicrhau, i'r graddau y mae'n ymarferol, fod aelodau cyd-bwyllgor trosolwg a chraffu...yn adlewyrchu cydbwysedd y grwpiau gwleidyddol am y tro ymhlith aelodau'r awdurdod penodi."*
- 2.5.3 Mae dwy sedd ar gael i Wynedd. Unwaith eto dilynir yr un fformiwla ag a wneir yn safonol ar gyfer dyrannu seddau ar bwyllgorau, sef "nifer aelodau'r grŵp / nifer aelodau'r Cyngor x nifer seddau ar y pwyllgor" gan rowndio i'r rhif cyfan agosaf. O ddilyn y fformiwla uchod mae un sedd ar y cyd-bwyllgor trosolwg a chraffu i Grŵp Plaid Cymru ac un sedd i'r Grŵp Annibynnol. Bydd penodiadau i'r seddau am dymor y Cyngor hwn, oni bai fod newid sylweddol i gybwysedd gwleidyddol y Cyngor neu ddiffyg ymroddiad gan yr Aelodau Craffu.

3. UNRHYW YMGYNGHORIADAU A GYNHALIWDYD CYN ARGYMELL Y PENDERFYNIAD

- 3.1 Fel a nodwyd uchod, ymgynghorwyd â Grŵp Busnes y Cyngor.

3.2 SYLWADAU'R SWYDDOGION STATUDOL:

Swyddog Monitro:

Rwyf wedi cyngori ar y mater yma ac yn fodlon gyda phriodoldeb yr argymhelliad.

Swyddog Cyllid Statudol:

Dim i'w ychwanegu o safbwynt priodoldeb ariannol.

ATODIAD A – DYRANIAD SEDDI AR BWYLLGORAU

A	Plaid Cymru	Annibynnol	Llafur Rhydd	Cyfanswm
Pwyllgor Craffu Addysg ac Economi	12	6	0	18
Pwyllgor Craffu Cymunedau	12	5	1	18
Pwyllgor Craffu Gofal	12	5	1	18
Llywodraethu ac Archwilio	8	4	0	12

B	Plaid Cymru	Annibynnol	Llafur Rhydd	Cyfanswm
Gwasanaethau Democrataidd	10	4	1	15
Cynllunio	10	4	1	15
Trwyddedu Canolog/Cyffredinol	10	5	0	15
Iaith	10	5	0	15
Penodi Prif Swyddogion	10	5	0	15
Apelau Cyflogaeth	5	2	0	7
Nifer y seddau	99	45	4	148

C	Plaid Cymru	Annibynnol	Llafur Rhydd	Cyfanswm
Pensiynau	4	2	1	7
Cydbwyllgor Ymgynghorol Lleol	7	4	0	11
CYSAG	5	2	0	7

Cyfanswm y seddau	115	53	5	173
--------------------------	------------	-----------	----------	------------

Uwch Gyflogau

Yn unol â phenderfyniad blaenorol y Cyngor telir yr uwch gyflogau a ganlyn:

- Arweinydd
- Dirprwy Arweinydd
- 8 aelod arall o'r Cabinet
- Arweinydd yr Wrthblaid fwyaf
- Cadeiryddion Pwyllgorau
 - Pwyllgor Craffu (x3)
 - Pwyllgor Cynllunio
 - Pwyllgor Trwyddedu (Canolog a Chyffredinol yn cael ei gyfrif fel un Pwyllgor)
 - Pwyllgor Pensiynau
- Pennaeth dinesig (Cadeirydd y Cyngor)
- Dirprwy Bennaeth dinesig (Is-gadeirydd y Cyngor)

Cyfarfod	Y Cyngor Llawn
Dyddiad	1 Mai 2025
Pwnc	Penodi Aelodau i'r Pwyllgor Safonau, Argymhellion Panel Cyfweld
Awdur	Iwan Evans, Swyddog Monitro
Penderfyniad a Geisir	Cymeradwyo penodiad Aelodau Annibynnol i'r Pwyllgor Safonau

Cefndir

1. Mae Pwyllgor Safonau Gwynedd yn cynnwys pum aelod annibynnol, tri chynghorydd Gwynedd ac un cynghorydd cymuned
2. Mae cyfnod dau o'r aelodau annibynnol wedi dod i ben. Gan fod y ddau wedi gwasanaethu am ddau dymor nid ydynt yn gymwys i gael eu penodi am dymor pellach.
3. Mae penodiad aelodau'r Pwyllgor Safonau yn cael ei lywodraethu gan Reoliadau Pwyllgorau Safonau (Cymru) 2001 ("y Rheoliadau"). Mae'r Rheoliadau yn ei gwneud yn ofynnol i'r Cyngor gynnal ymarfer recriwtio cyhoeddus fel y nodir yn y Rheoliadau a sefydlu panel penodi (yn cynnwys hyd at bum aelod panel, ac yn cynnwys un aelod lleig ac un cynghorydd cymuned), i asesu ceisiadau yn erbyn y meini prawf sydd wedi eu gosod gan y Cyngor ar gyfer y swydd, ac i wneud argymhelliad ynghylch penodi i'r Cyngor llawn.
4. Rhaid i'r penderfyniad i benodi gael ei wneud gan y Cyngor llawn, gan ystyried argymhelliad y Panel Penodiadau.
5. Hysbysebwyd y swyddi gweigion yn unol â'r darpariaethau statudol a derbyniwyd tri chais.
6. Sefydlwyd Panel Penodi, a oedd yn cynnwys Mr Eifion Jones , Cadeirydd y Pwyllgor Safonau, y Cynghorydd Cymuned Richard Parry Hughes (Aelod Cymunedol o'r Pwyllgor Safonau), Cynghorwyr Gwynedd Cyng Beca Roberts Cadeirydd y Cyngor a Cynghorydd Anne Lloyd Jones Cadeirydd Pwyllgor Gwasanaethau Democratiaeth a Mr Griffith Jones fel aelod lleig statudol .
7. Bu'r Panel, gyda chefnogaeth a chynghor y Swyddog Monitro, yn cyfweld â'r ymgeisydd ar 3 Ebrill 2025 O ystyried y meini prawf a nodir yn y fanyleb person ar gyfer y rôl, argymhellodd y Panel benodi Non Gibson a Sonal Khade
8. Mae Non yn byw ym Methel, Arfon gyda dros 23 o flynyddoedd o brofiad fel yn yr Heddlu gan gwblhau ei gyrfa fel rhingyll. Mae wedi gweithio ar ystod o faterion a Chadeirio Tim Ymyrraeth Cynnar ynghyd a gweithio ar faterion aml-asiantaethol ac wrth gwrs profiad o weithio o fewn y gyfundrefn cyfiawnder .

9. Mae Sonal yn byw ym Mhwlleli a gyda chefnidir mewn cyllid a rheolaeth cytundebau yn y sector gyhoeddus. Bellach yn hunan gyflogedig. Mae wedi gweithio ar lefel uchel o fewn llywodraeth leol a iechyd gan arwain ar brosiectau a materion archwilio.

9. Mae'r Rheoliadau'n darparu bod yn rhaid i dymor swydd yr aelodau annibynnol gael ei bennu rhwng pedair a chwe blynedd.

Argymhelliad

Argymhellir bod y Cyngor yn penodi Non Gibson a Sonal Khade yn Aelodau Annibynnol o'r Pwyllgor Safonau am gyfnod o 6 blynedd.

Sylwadau Swyddogion Statudol

Swyddog Monitro

Swyddog Cyfrifol

Prif Swyddog Cyllid

Dim gwrthwynebiad o safbwynt priodoldeb ariannol.

CYFARFOD	CYNGOR
DYDDIAD	1 Mai 2025
TEITL YR ADRODDIAD	Diwygio y Cyfansoddiad
PWRPAS	Adrodd ar addasiadau dirprwyedig i'r Cyfansoddiad
AELOD CABINET	Cynghorydd Nia Jeffreys – Arweinydd y Cyngor
AWDUR	Iwan Evans – Swyddog Monitro

Cefndir

1. Mae Adran 5 o'r Cyfansoddiad yn darparu y gall yr Arweinydd addasu y Cynllun Dirprwyo sydd yn Adan 13 o'r Cyfansoddiad yn ddarostyngedig i ddilyn proses rybudd.

“5.9.3 Cynllun Dirprwyo a Swyddogaethau Gweithredol y Cyngor

- (a) Caiff yr Arweinydd (ion) ddiwygio'r cynllun dirprwyo mewn perthynas â Swyddogaethau Gweithredol ar unrhyw adeg. Wrth wneud hynny, bydd yr Arweinydd yn rhoi rhybudd ysgrifenedig i'r Pennaeth Gwasanaethau Democrataidd a'r unigolyn, y corff neu'r pwyllgor dan sylw. Mae'n rhaid i'r rhybudd amlinellu maint y diwygiad i'r cynllun dirprwyo, a pha un a yw'n golygu tynnu dirprwyaeth yn ôl oddi ar unrhyw unigolyn, corff neu bwyllgor. Bydd y Swyddog Monitro yn cyflwyno adroddiad i gyfarfod cyffredin nesaf y Cyngor yn amlinellu'r newidiadau a wnaed gan yr Arweinydd.
2. Mae gwaith diweddarar wedi ei wneud ar y Deddfwriaethau sydd yn cael ei rhestru o fewn y Cyfansoddiad ynglŷn a Gwarchod y Cyhoedd er ymgorffori deddfwriaeth diweddaraf. Mae'r Cynllun Dirprwyo addasedig i'w weld yn Atodiad 1, Cwblhawyd y gwaith gan y Rheolwr Cyfreithiol mewn ymgynghoriad agos gyda'r Adran Amgylchedd a cyhoeddwyd y daflen penderfyniad ar yr 2il o Ebrill 2025.

[Front Page Welsh 01.04.25](#)

Argymhelliad

Fod y Cyngor yn derbyn yr adroddiad ar y newidiadau dirprwyedig yn Atodiad 1.

ATODIAD

DEDDFWRIAETH
Deddf Adeiladu 1984
Deddf Aer Glân 1993
Deddf Amaeth (Darpariaethau Amrywiol) 1972
Deddf Amaeth 1970
Deddf yr Amgylchedd (Cymru) 2016
Deddf Anifeiliaid Anwes 1951
Deddf Anifeiliaid Gwyllt Peryglus 1976
Deddf Anifeiliaid Perfformio (Rheoleiddio) 1925
Deddf Atal Difrod gan Bla 1949
Deddf Atal a Rheoli Llygredd 1999
Deddf Bwyd 1984
Deddf Cael Gwared â Sbwriel (Mwynder) 1978
Deddf Cancr 1939
Deddf Casgliadau o Dŷ i Dŷ 1939
Deddf Cemegau Fferm a Gardd 1967
Deddf Cerbydau Modur (Offer Diogelu i Blant) 1991
Deddf Cerddoriaeth Fyw 2012
Deddf Cludiant 1985
Deddf Cofrestru Tir Comin 1965
Deddf Credyd y Prynwr 1974
Deddf Cwmnïau 2006
Deddf Cwn 1906
Deddf Cŵn Peryglus 1991
Deddf Cyfiawnder Troseddol 1988
Deddf Cyfiawnder Troseddol a Threfn Gyhoeddus 1994
Deddf Cyfraith yr UE a ddargedwir (Dirymu a Diwygio) 2023
Deddf Cyfreithwyr 1974
Deddf Cymalau Heddlu Tref 1847
Deddf Cymdogaethau ac Amgylchedd Glân 2005
Deddf Cymorth Cenedlaethol 1948
Deddf Datblygu Twristiaeth 1969
Deddf Delwyr Metel Scrap 2013
Deddf Dilysnodi 1973
Deddf Diogelu'r Amgylchedd (Cynhyrchion Plastig Untro) (Cymru) 2023
Deddf Diogelwch Bwyd 1990
Deddf Diogelwch Meysydd Chwarae 1975
Deddf Diogelwch Tân a Diogelwch Llefydd Chwaraeon 1987
Deddf Diogelwch yn y Cartref 1961
Deddf Diogelwch y Ffyrdd 2006
Deddf Disgrifiadau Masnachol 1968
Deddf Diwydiant Dŵr 1991

Deddf Diwygio Addysg 1988
Deddf Diwygio Heddlu ac Adfywio Cymdeithasol 2011
Deddf Elusennau 1992
Deddf Ffatrioedd 1961
Deddf Ffrwydron (Oed Pryniant) 1976
Deddf Ffugio a Drwgfathu 1981
Deddf Gamblo 2005
Deddf Gwarchod Bwyd a'r Amgylchedd 1985
Deddf Gwarchod Plant (Tybaco) 1986
Deddf Gwarchod y Prynwr 1987
Deddf Gwarchod yr Amgylchedd 1990
Deddf Gweinyddu Cyfiawnder 1970
Deddf Gwelyau Haul (Rheoleiddio) 2010
Deddf Gwenwyn 1972
Deddf Gwerthwyr Stadau 1979
Deddf Gwybodaeth Amgylchedd a Diogelwch 1988
Deddf Hawlfraint, Cynllun a Patentau 1988 fel y newidiwyd gan Ddeddf Darlledu 1990
Deddf Heddlu, Ffatrioedd ac ati (Amryfal Ddarpariaethau) 1916
Deddf Hyrwyddo a Hysbysebu Tybaco 2002
Deddf Iechyd 2006
Deddf Iechyd a Diogelwch yn y gwaith ac ati 1974
Deddf Iechyd Anifeiliaid 1981
Deddf Iechyd Cyhoeddus (Rheoli Haint) 1984
Deddf Iechyd Cyhoeddus 1936
Deddf Iechyd Cyhoeddus 1961
Deddf Iechyd y Cyhoedd (Cymru) 2017
Deddf Lladd Dofednod 1967
Deddf Lladd-dai 1974
Deddf Lles Anifeiliaid 2006
Deddf Lles Anifeiliaid (Allforio Da Byw) 2024
Deddf Llongau Masnach 1979
Deddf Llywodraeth Leol (Darpariaethau Amrywiol) 1976
Deddf Llywodraeth Leol (Darpariaethau Amrywiol) 1982
Deddf Llywodraeth Leol 1972
Deddf Llywodraeth Leol 1992
Deddf Llywodraeth Leol 2003
Deddf Llywodraeth Leol a Thai 1989
Deddf Mandiroedd a Rhanddaliadau 1908-1950
Deddf Masnachu ar y Sul 1994
Deddf Masnachu Teg 1973
Deddf Meddyginiaeth 1968
Deddf Menter 2002
Deddf Nodau Masnach 1994

Deddf Nwyddau a Gwasanaethau nas Archebwyd 1971 a
Deddf Nwyddau a Gwasanaethau nas Archebwyd (wedi ei ddiwygio) 1975
Deddf Plant a Phobl Ifanc (Diogelwch Rhag Dobacco) 1991
Deddf Rheoli Llygredd 1974
Deddf Rheoli Llygredd (Diwygio) 1989
Deddf Rheoleiddio Traffig Ffyrdd 1984
Deddf Safleoedd Carafannau 1968
Deddf Safleoedd Carafannau a Rheoli Datblygu 1960
Deddf Sancsiynau Rheoleiddio a Gorfodi 2008
Deddf Sefydliadau Iechyd Anifeiliaid 1963
Deddf Sefydliadau Lletya Anifeiliaid 1963
Deddf Sefydliadau Marchogaeth 1964
Deddf Sgorio Hylendid Bwyd (Cymru) 2013
Deddf Sŵn 1996
Deddf Sŵn a Niwsans Statudol 1993
Deddf Sŵn Beiciau Modur 1987
Deddf (Gwarchod) y Symbol Olympaidd 1995
Deddf Tai 1996 a 2004
Deddf Tân Gwyllt 2003
Deddf Telathrebu 1984
Deddf Trafnidiaeth y Ffyrdd 1988 a 1991
Deddf Trafnidiaeth y Ffyrdd (Darpariaethau ôl-ddilynol)1988
Deddf Troseddau a Phlisma Ymddygiad Gwrthgymdeithasol 2014
Deddf Troseddwyr Trafnidiaeth Ffordd 1988
Deddf Trafnidiaeth y Ffyrdd (Cerbydau Tramor) 1972
Deddf Twyll 2006
Deddf Theatrau 1968
Deddf Ymddygiad Gwrthgymdeithasol 2003
Deddf Ynni 1976
Deddf Trwyddedu 2003
Deddf Twyll 2006
Deddf yr Undeb Ewropeaidd (Deddf Ymadael) 2018
Deddf yr Amgylchedd 1995
Deddfau Cynnyrch Amaethyddol (Graddoli a Marcio) 1931
Deddfau Cynrychiolaeth Fasnachol (Y Methodig) 1958 a 1972
Deddfau Dwyn 1968 a 1978
Deddfau Ffrwydron 1875
Deddfau Prisiau 1974
Deddfau Pwysau a Mesurau 1985
Deddfau Recordiau Fideo 1984 a 1993

CYFARFOD	Cyngor
DYDDIAD	1 Mai 2025
TEITL	Penderfyniad Brys Cabinet
AMCAN	Er Gwybodaeth
AWDUR	Swyddog Monitro

CEFNDIR

1. Cyflwynwyd adroddiad eithriedig i’r Cabinet ar 8fed Ebrill 2025 ynglŷn a’r adolygiad barnwriaethol o benderfyniad y Cabinet i gadarnhau y Gorchymyn Erthygl 4 yn 2024 . Amcan yr adroddiad oedd adrodd ar yr achos a cheisio cyfarwyddyd y Cabinet ar y cyfeiriad. Oherwydd amserlen cyflwyno dogfennaeth a thystiolaeth i’r Llys roedd angen medru gweithredu a chyfathrebu y penderfyniad yn syth.

PENDERFYNIAD BRYS

2. O ganlyniad, bu’n ofynnol gwneud penderfyniad brys yn unol â Rhan 7.25.2 o’r Cyfansoddiad y dylid ei eithrio o’r drefn galw i mewn. Mae hyn yn caniatáu i benderfyniad Cabinet fod yn weithredol yn syth ac yn benodol felly heb ddisgwyl am bum diwrnod gwaith clir ar ôl cyhoeddi y daflen penderfyniad cyn y gellir ei weithredu. Mae’r drefn yma yn amodol ar gydsyniad Cadeirydd y Cyngor ac adrodd ar hyn i’r Cyngor nesaf.
3. Derbyniwyd cytundeb Cadeirydd y Cyngor ei fod yn fater brys a bod hyn yn rhesymol o dan yr amgylchiadau.

ARGYMHELLIAD

I dderbyn a nodi’r adroddiad.

Prif Swyddog Cyllid

“Dim sylwadau o safbwynt priodoldeb ariannol.

Swyddog Monitro

Awdur yr adroddiad